

元味顧子里先生所著

思齋集

賦詩  
卷一至三



集思

適

四



紋銀一兩

道光己酉十月  
上海徐氏校刊

蘇州府前

涵輝閣書坊

嘉慶辛酉儀徵相國撫浙延元和顧君澗蒼及武進臧君拜經錢唐何君夢華同輯十三經校勘記寓武林之紫陽別墅余始與顧君訂交自時厥後於邗江於金陵於吳門時復相見三十餘年中聚散不常蹤跡若疏若密迨余移家來吳則君歸道山數載矣君學問淵深辨證精博校刻各書如黃氏之周禮儀禮國語戰國策易林孫氏之唐律疏義抱朴子古文苑吳氏之韓非子列子胡氏之通鑑文選張氏之撫本禮記秦氏之駱賓王李元賓呂衡州諸集皆精審不苟舉世珍若琪璧獨文彙未嘗流播無繇得見道光

丙午始就其孫瑞清訪得之亟爲編排卷帙寫錄清  
本仍以原槁歸諸瑞清俾世守弗失屢約同人謀壽  
之黎棗尅有應者己酉初夏上海徐紫珊寓書於余  
慨然請任剞劂之事古誼肫然求之近世殆未易多  
邁感歎者久之乃校訂誤字以授梓人始事於閏四  
月葺工於十一月合詩詞賦雜文總十八卷生平校  
讎之學之深備見集中惜儀徵相國客冬騎箕天上  
不及見是集之成爲可痛耳尙有許氏說文攷異有  
待參訂未能並刻瑞清克守家學異日必將悉登諸  
板以永厥傳是則余所厚望也夫

道光二十九年己酉冬十一月海甯楊文蓀序

咸豐十年庚申秋八月朔吳縣潘季玉觀察介先生文孫何之轉贈



庚申八月初二日元和顧河之孝廉

瑞清

館吳縣潘侍郎家

身武進呂定子編修來訪一見即投分甚摯初七日通州

師敗都人洵、初十日車駕東狩初九日都城內外盡閉於

友富民相率走避河之以來恒守談譚定時痛憤叱咤於

日始去初十日日晡以玉告即日將南返省親于洞庭山蓋君

字蘇之閩門有若母妻子遭亂皆耗其威有居洞庭山者

杖屨道往尋其母因言家姓者惟存者數萬卷皆其祖

潤菴先生鈔藏善本多有手校手寫其秘籍及宋元雜本

不下子存種先生書出都易相氏校刻通鑑及文選文選尤  
 最政政去其故異一書皆出先生校字有藏稿又有初印紅  
 字通鑑真節世之症也今地有徐中丞以焚又被寇掠以藏  
 殆不可同言之嗚呼亦不究也且歎惜又言是集皆其撮指  
 而成手寫有二十卷楊文孫世士其曾占先生交若居吳中矣  
 時名而以洪房上家自給鄙頑特甚有李賈據是集示之  
 遂錄副存為上海徐渭仁刻之河之重其抄寫諸院屬福楊  
 請付校對不許洎刻成乃止十卷又有空白未填者詳見  
重甲寅別號川滬海上徐以通賊劫死此集板遂散失孝  
康家藏六抄矣此乃潘季玉舊藏也  
因屬予識之以此

顧君墓志銘

李兆洛撰

鄭漁仲輯藝文略始附以校讐之名然其所言校讐  
 之事惟編纂類例搜求亡書不啻灌灌則尙是目錄  
 家也無與校讐事劉向別傳曰校讐者一人持本一  
 人讀析若怨家相對故曰讐向於奉詔校理者必補  
 其缺脫正其訛謬而條上之如以見為典以陶為陰  
 甚者閏月為門五日三豕為已亥之類以後相承如  
 穎容向朗鄭默唐則褚元量顏師古皆其選也然皆  
 按正其字形而已繼乃有校者荒陋不守闕如之戒  
 妄緣疑而致誤至剗肉而成瘡至有謬稱皇考妄易

銀根者本初無誤按乃致誤此自書有刊本輕加雌黃倘經三刻而古人之真盡失矣此亭林先生羅列改書之弊以爲後戒者也後來諸儒如惠氏半農戴氏東原從而張之故 本朝讀書士共守此訓不敢妄改而讐按之事確然有所守故所刊書籍賢於前代遠甚至乾隆中極盛矣上自鉅卿名儒下逮博士學究無不通知此義一時如抱經學士懷祖觀察父子竹汀詹事無不兼擅其長而元和顧澗蘋學博尤魁傑者也先生名廣圻字千里以字行號澗蘋陳黃門侍郎野王之三十五世孫也曾祖沛祖松父文燧

俱業醫世爲吳人少孤多病枕上未嘗廢書人咸異之年十二隨舅氏鄭源濤侍御于京師弱冠南回從張白華先生遊館於程氏程富於藏書先生徧覽之學者稱萬卷書生焉不事科舉業年三十始補博士弟子員縣府試皆冠其曹繼從江良庭先生遊得惠氏遺學因盡通經學小學之義嘗論經學云漢人治經最重師法古文今文其說各異混而一之則轆轤不勝矣論小學云說文一書不過爲六書指示發凡原非字義盡於此欲取漢人經注作假借長編而未屬稿先生從兄之達字抱冲亦邃於學而多藏宋本

元本書先生一一訂正之刻列女傳以傳當是時孫淵如觀察張古愚太守黃蕘圃孝廉胡果泉中丞秦敦夫太史吳山尊學士皆深於校讐之學無不推重先生延之刻書爲孫刻宋本說文古文苑唐律疏議爲張刻撫州本禮記嚴州本單疏本儀禮鹽鐵論爲黃刻國語國策爲胡刻宋本文選元本通鑑爲秦刻揚子法言駱賓王集呂衡州集爲吳刻晏子韓非子每一書刻竟綜其所正定者爲考異或爲校勘記於後學者讀之益欽嚮爲漢學者往往不平宋儒而訾警之先生獨服膺焉徧讀先儒語錄摘其切近者爲

遜翁苦口一卷以教學者胷中博綜而能識之無遺每論議滔滔不竭而是非所在持之甚力無所瞻徇家故貧常以爲人校刻博糶以食雖往來皆名公卿未嘗有以自潤晚得類中症臥牀第者五年道光十五年二月十九日卒年七十兆洛以道光二年客授揚州先生時館洪賓華家爲汪孟慈校刻其尊人廣陵通典所居相近故得朝夕握手焉向聞先生與金門學使懋堂大令以言語牴牾竊疑其盛氣難近及見之進退粥粥詞色嫗煦知先生徒以慤愿自守而狹中護前者不能無所忤也先生嘗從容論古書訛

舛處細若毛髮棼如亂絲一經剖析割然心開而目  
明歎先生慧業一時無匹惜未及隨時鈔錄取爲學  
者導師嗚呼今則往矣配韓氏卒於道光十五年八  
月十九日年七十子四鎬餘殤孫四瑞清字河之從  
余遊女四鈕寶順沈秉錕程雲燦張定海其壻也將  
以 年 月 日合葬於一雲山祖塋之旁河之  
請爲之銘先生所著多零星河之能守護之者銘曰  
先生之學惟無自欺以誠而明不爲書欺惟無自欺  
亦無書欺存其真面以傳來茲不爲書欺書無能欺  
屏絕附會定其然疑書以益人通知古今登之梨棗  
以無沈淪人以益書與稽與居非今欺今永無模糊  
惟其不欺是以不苟安得古書盡經君手凡立言者  
藉君不朽書有朽時先生不朽



姑蘇張杏村鐫刻

思適齋集目錄

卷一 賦

百宋一廬賦 黃丕烈注

卷二 賦 詩

對床風雨圖賦

五硯樓賦

和彭甘亭贈句

附原詩

彭兆蓀

陳仲魚孝廉索賦經函詩率成廿韻

次韻答夏孝廉詞仲



附原詩

夏寶晉

次韻答郭頻伽

附原詩

郭麐

得子實書却寄

立秋日集白公祠為山尊學士作

題戈小蓮紅袖添香夜讀書卷子廿六韻

題匪石履二齋聯吟卷用其所分明月幾時有

五韻各賦一章

題江韜庵小像

題貝簡香千墨龕圖廿韻

投壺夜飲圖廿四韻

題陳小雲香畹樓憶語

汪紫珊太守碧梧山館圖

汪月樵小詩龕看菊分體廿韻

採芝圖

庚午十月喜子絜子實至即送其回南昌作

復翁詩一首卅六韻

琴南大兄見寄七言一首久病未和今次韻奉

呈

題小維摩詩稿

思適齋集目錄  
題千墨庵重摹七姬志石刻

卷三 詩

蔣伯生入關圖

題天涯芳艸圖送行

爲王簣山觀察題畫

夏紫仲竹巷舊居圖

題南陽諸葛廬圖

士禮居祭書分賦

張古餘先生賦詩見寄依體敬酬時道光丁亥  
六月之望

附原詩二首

張敦仁

虎邱倉頡廟

金陵懷古

方葆巖制軍青溪放棹圖

快雪時晴消寒雅集分得九青韻卽呈月樵先  
生正句

錢唐屠孟昭太守同客邗江索贈

小除日從故紙中得某人竹影詩七律一首次  
韻戲作

爲瞿木夫題水闌訪刻圖冊

桃花庵觀荷分韻得五微

題江秬香新甫得碑圖次原韻

有感

重有感

紉之以釋六舟所寄唐盧元輔天竺寺詩韻屬

次時枕上有感因走筆率成一首

送瞿鏡濤三首

孫武私印為淵如觀察作三首

題圓圓小像

王蓬心山水小幀為楊補凡作

侯青甫畫竹及秋海棠各題二十八字

題品梅圖

走札索魚鬆於月樵三兄承即見惠率成廿八

字為謝

題吳餘山小梅花庵圖

題秦澹生太史棲碧詞二首

題吳靜軒奚囊得句照

陳小雲蕪城餞別圖

松蔭讀書圖為洪銘之題

題張樂讌賓圖所畫為孫淵翁在畢秋帆幕中

事時淵翁沒已九年矣

毛叔美

慶善

以紅豆書樓圖屬篆冊首復系絕

句博粲

題袁君綬階味書圖小像

贈木夫仙臺通寶錢一枚并綴以詩

題敦翁梵寄圖二首

輓趙大令北嵐

題葛蓮青小照二首

卷四 詞

天香

藥銚

水龍吟

紅蕙

摸魚子

萍

齊天樂

笛

桂枝香

蟬

附和作五首

儀克中

臺城路

李子仙有門人畫金閨曉月便面屬為追題

浪淘沙

為龔定庵賦葉小鸞眉子研定庵時方談佛也

又

席上限韻同楊芸士作

虞美人

張髮仙將之江右出示虹橋泛月圖求題因為述其意

又

謝文節遺琴今藏浙中吳氏

淒涼犯 銷寒集賦寒柝

唐多令

小重山 江鄭堂持畫蟬柳扇索題於時秋也即景賦之

柳梢青 為金篴伯題雙紅豆圖

齊天樂 題汪紫珊太守西園話別圖卷

百字令 用東坡韻題張子實孝廉蕭寺讀書圖

又 吳思亭索題竹垞圖阮雲翁所贈也幅中近日名公鉅作已多遂專取此意賦而應之並

次原韻

又 題吳思亭太白樓詩卷

蝶戀花 宋于庭揚州詞意圖

月下笛 過袁綬階舊居有感同戈順卿賦

踏莎行

詠春光 題奉華亭四兄即以為壽時道光丙戌嘉平初吉調出鳳林書院元詞

卜算子 題采芝圖遺照為金相堂作

大江東去 用東坡韻賦黃蕘圃移居圖

卷五 記 解

思適寓齋圖自記

與古樓記

洗桐軒圖記

松陵四君畫像記

珠湖漁隱圖記

遊虎邱山記

再遊虎邱山記

刻華仙元化畫像記

黃國珍注

重葺五烈祠記

惠松崖先生四世畫像記

漆沙硯記

雅頌各得其所解

卷六 書

與段大令論椒聊經傳書

荅張子絜問讀毛詩注疏書

與吳春齋書

與阮雲臺制府書

與趙味辛論韓詩外傳誤字書

與鄧溥泉書

與劉金門宮保書

與吳山尊學士書

與孫淵如觀察論九卷本古文苑書

卷七 序

重刻宋本儀禮疏序

又後序

重刻儀禮注疏序

撫本禮記鄭注考異序

又後序

校定尚書考異序

釋名略例

補刊集韻序

校刊明道本韋氏解國語札記序

重刻剡川姚氏本戰國策并札記序

又後序

卷八 序二

汪本隸釋刊誤序

又後序

又後序

重刻奉天錄序

校刊華陽國志序

校刊輿地碑記目序錄

唐律疏義後序

重刻宋元檢驗三錄後序

重刊宋本名臣言行錄序



又後序

卷九

序三

重刻治平監本揚子法言并音義序

重刻鹽鐵論并考證序

又後序

重刻晏子春秋後序

韓非子識誤序

又後序

抱朴子外篇序

重刻古列女傳序

列女傳攷證序

刻焦氏易林序

又序

又後序

廣黃帝本行記序

軒轅黃帝傳序

卷十

序四

數書九章序

隋李播天文大象賦後序

重刻宋本雞峯普濟方序

又序

重刻宋淳熙本文選序

文選考異序

重刻宋九卷本古文苑序

駱賓王文集考異序

呂衡州文集序

又後序

新刊李元賓集後序

重刻古今說海序

卷十一 序五

逸周書補注序

蔡氏月令序

刻釋拜序

廣復古編序

通鑑刊誤補正序

廣陵通典序

人壽金鑑序

遜翁苦口序

徐公漱坡孝行錄序

開方補記後序

思適齋集目錄  
卷十二 序六

知不足齋叢書序

張月霄書目序

藝芸書舍宋元本書目序

石研齋書目序

古甄錄序

又序

彭甘亭全集序

半樹齋文集序

江鄭堂詩序

春草堂詩題詞

何寓庸所作顧君步巖小傳後序

附原傳

何堂

卷十三 序七

詞學叢書序

嚴小秋詞序

吳中七家詞序

戈順卿填詞圖序

詞林正韻序

四春詞序

西園感舊圖序

閉門研思圖序

壤堂讀書圖序

老復丁庵圖序

百花庵圖序

卷十四 題跋一

合刻儀禮注疏跋

書撫州公使庫禮記釋文後

禮記考異跋

重刻吳元恭本爾雅跋

書周漪塘所藏毛斧季手校本說文後

書正德乙亥抄本博雅後

附  
原跋

急就篇跋

書宋槧廣韻後

書元槧廣韻後

題鈔本集古文韻

書影宋本國語後

影鈔安氏本戰國策跋

書元板胡三省注通鑑第八十卷後

題宋嚴州小字本通鑑紀事本末

宋本名臣碑傳琬琰集跋

吳越春秋跋

洛陽伽藍記跋

書季滄葦藏宋本輿地廣記後

書朱竹垞藏宋本輿地廣記後

雲間志跋

太常因革禮跋

影元槧鈔本元朝秘史跋

書律十二卷音義一卷後

卷十五 題跋二

宋本荀子跋

宋本淮南鴻烈解跋

宋板外臺秘要方跋

衢本郡齋讀書志考辨跋

古刻叢鈔跋四首

書清河書畫舫後

示兒編跋四首

長短經跋二首

書文苑英華辨證後

題金陵瑣事

張燕公集跋

王摩詰集跋

張曲江集跋

李太白集跋

明抄殘本李元賓集跋

歐陽行周集跋三首

讒書跋

一鳴集跋

附原跋

笠澤叢書跋二首

孫可之集跋

唐文粹跋

嘉祐集跋

周益文忠公文集跋

姜白石集跋

書尚書撰異君奭後

書毛詩訓詁傳定本後二首

書段氏注說文後

書募李處士遷瑩文啟後

跋徐俟齋與楊潛夫札子

題江艮庭先師遺札冊後

卷十六 碑跋

跋石鼓文

跋焦山鼎銘

跋祀三公山碑

跋元延二年銅尺拓本

跋重鐫天祿辟邪字

跋蜀師甄文

跋漢永壽榿爲李君摩崖刻字

跋新刻漢石經殘字

跋谷朗碑

跋李苞通閣道題名

跋脩佛龕頌二首

跋唐殘碑

跋萬年宮銘

跋碑陰二首

跋唐平百濟國碑

跋龍龕道場銘二首

跋鄭仁愷碑補金石萃編六十八卷作

跋唐碑三種

跋王慶墓誌銘

跋乙速孤行儼碑

跋道安碑

跋神寶寺碑

跋馮鳳翼等造象題名

跋內侍省功德碑

跋任令則神道碑

跋元林禪師碑

跋崑臺銘

跋三墳記

跋貞一先生廟碣

跋碑陰

跋溫佶碑

跋二體石經周禮

跋葉紉之金石拓本冊

荅葉紉之論廣惠廟碑書附

卷十七

策問

壽序

碑文

硯銘

策問四首

屠母楊太淑人七十壽序



天后宮碑

文苑

硯銘九首

卷十八

墓誌銘

碣記

哀詞

事略

安徽布政使降補刑部福建司郎中世襲一等

輕車都尉蔣公墓誌銘

孝子戈君之銘

增貢生漱坡徐君墓誌銘

誥封朝議大夫即用訓導芑堂程君墓誌銘

程養廬元配陸宜人墓誌銘

江都秦太史姬人端木氏墓誌銘

先考碣陰記

汪容甫哀詞

金湘溪事略

石思通齋集十八卷元和碩千里洞藪探千里存各處所四字

行嘉慶間所生其學精于考訂校讎上自經史下迄碑版

碑有小說多不研究以盡古義於禮學字學尤詳政意詩詞

唱甯寧備禮而已賦極選字以僅而自文以故訂傳因一

時絕學也先生文孫孝廉瑞清輯錄有二十卷上海徐渭仁

刊為十八卷蓋原編第六卷有學制備志記立學古家故

祭義四代之學解三篇第七卷有答段懋堂書三首標

之曰書上第六卷標曰下徐渭仁喜謂諸作已刻段氏經  
韻精集中故老刪去其實段集僅刻學制備忘記及与  
段第二第三卷也謂仁既刪去兩卷而第六卷仍標以書下  
二字又先生有與吳山尊兩書今刪去其第二書第十五  
卷古刻甚鈔跋第十六卷祀三公碑跋皆有空白係篆文  
未及填寫第十七卷天后宮碑有題無文可謂草率不檢  
之甚者矣孝廉以楊文孫靳不付校對深以有憾先生之學  
以矜慎亦主不校授此後彼輕於星死故頗不滿于金壇段氏其  
爭論起于小學生國之西郭及四郭一事蓋段學因博奧頗喜  
立新義盡翻古人不及先生持詳於重爾會稽越學人識

思適齋集卷一

元和顧千里澗蘋

賦

百宋一廛賦

子以嘉慶壬戌遷居縣橋構專室貯所有宋槧本書名之日百宋一廛請居士撰此賦既成輒為之下注多陳宋槧之源流遂略鴻文之詰訓博雅君子幸無譏焉

吳縣黃丕烈注

佞宋主人

佞宋出述古堂書目序子恒引為竊比故居士設此名也搜求經籍鳩

集藝文深識妙覽博學瞻聞折肱既更醉心有在東

都託始南渡斷代排比百種標榜一廛

此讀依徐仙民周禮音

傳之好事詫為極觀乃有暝行闌子

寓言踵廛而諄

諸日蓋吾聞善讀者之於書也并包自古貫穿及今  
琢璞任手握珠委心祛鏤舟於來編悟斲輪於往牒  
敏超閱肆識週亡篋縱有隋唐卷軸漢魏油素尙將  
規檢迴沈刊落抵牾是知惡札非苦俗本何病值擿  
獲佳遭鉛斯正且夫相變者勢遞運者時殺簡忽其  
告謝鏤版道以方滋而乃峻立畦畛強分堂室豈貴  
遠而賤近抑噉名而吐實辱在下風惑此莫釋敢效  
其愚高明盍擇主人造然未有以云也時則思適居  
士存焉居士姓顧名廣圻元和縣學生喜校書皆有  
依據絕無鑿空其持論謂凡天下書皆當以  
不校校之深有取於邢子才思將盱衡而誥爰有睥  
誤書更是一適語以之自號云

其容曰异乎客真所謂夏蟲難與語冰枯柏之鼠不

知堂密有美樅也郭注爾雅引尸子在昔校領者依  
此文枯本作松

中寫定者据故徐遵明之所往讀杜伯山之所愛護

用以發其深思於焉遂其好古自曩哲而固然非僂

指之勝數夫宋也者濬摹印之重源延轉錄之一脈

孳長興以萌芽拓顯德而增益貽後留真晞先襲迹

及靈光之猶存舍司南其安適此四韻實顯宋槧之  
體用也夫書之言宋

槧猶導河言積石也上言之則東漢一字羣經魏三  
字羣經并典論鐫勒於石此一源也下言之則唐元

和壁經析堅木負墉而比之製如版積此又一源也  
自是至于後唐長興九經刻版周顯德經典釋文雕

印既省傳寫之勞兼視豐碑爲便人事所趨勢固宜  
爾於是終始宋代官私所造遍於四部玉海及馬氏

經籍考等詳其事焉就中即有利病究之上承轉錄此其嫡脈故曰貽於後而留其真以睇於先而襲其迹也及今遠者千年近者猶數百年所存乃當日千百之一二耳幸而得之以校後本其有未經改竄者鮮矣夫君子不空作必有依據宋槧者亦讀書之依據也故此之以司南謂指南之車韓子書為此稱矣奈何謾訛正以同歸昧精濫之殊致觸手斷鎮庫之珍瞥目乏驚人之秘耳域陬食心安陋肆指趣已爽涉獵皆整今將究深情宣至理勘利病讐臧否申長見於主人啟未聞於吾子則有舉此明後皆陳一塵云其餘又姬公禮經六籍冠冕高密家法傳注之選有義皆同

厄繇難讀文褻句揃不覩嚴州絕學曷顯忠甫所載則符節必合開成所勒則矩矱未偏嚴州本儀禮鄭氏注十七卷每

半葉十四行每行大廿五字小卅字不等居士嘗跋其後云張忠甫校儀禮有監巾箱杭嚴凡四本今所存識誤稱嚴本者十許條以此驗之無一不合其為嚴本決然矣云云亭林顧氏言十三經中儀禮脫誤尤多士昏禮脫堦授綏云云一節十四字賴有長安石經據補而其注疏遂亡又言鄉射脫士鹿中云云七字士虞脫哭止云云七字特牲脫舉解者祭云云十一字少牢脫以授尸云云七字以爲此秦火之未亡而亡於監刻今考嚴本則各條固儼然具存也其餘補正注文者尤不可枚舉居士嘗采入所撰思適齋筆記後經史子三部宏文學士悉情裁疏陳李聞古書亦多有所采也

人紛紜失路官本復出景德旦暮列卷五十面目呈露標經題注乃完乃具尋馬序於通考豁長夜而重

曙景德官本儀禮疏五十卷每半葉十五行每行廿七字每卷題唐朝散大夫行太學博士宏文館學士臣賈公彥等撰悉情裁疏者公彥等序中語也陳陳鳳梧李李元陽聞人聞人詮散疏入注而注之分

卷遂為疏之分卷又去疏所標經文起止蓋出於陳鳳梧明正德時事也而聞人詮李元陽因之萬厯監本汲古毛氏本又轉轉因之於是而馬氏經籍所載儀禮疏五卷又載其先公序曰得景德中官本儀禮疏四帙正經注語皆標起止而疏文列其下者舉世無復識其面目者矣先公貴與父名廷鸞今與其所得者正同未後名銜盈幅案之玉海悉符故事居士屢誇此書在宋槧中為奇中之奇寶中之寶莫與比倫者也唯第三十二至第三十七凡缺六卷僅從魏了翁要義中粗識其大略耳亦有周禮一官春秋泰半懽許劍之待懸悵籛金之莫換大殘字本周禮鄭氏注秋官二卷每半葉八行每行大十六字小廿一字舊許贈居士從兄抱冲道人之達未及而道入歿矣殘相臺岳氏本春秋經傳杜氏集解行字之數與覆本同所存一至六又十五至十八又二十三至二十六又二十九三十凡十六卷得三十卷之泰半也同縣袁廷壽壽皆甫亦有殘本而未能取之以月令第六昭公廿年玩索有得丹鉛所傳未相補

耕上曲死而賜諡隻字能排百朋奚啻

殘大字本禮記鄭氏注每

半葉十行每行大十八字小廿五字不等所存五至八又十一至十五僅九卷予跋之云月令注未耕之上曲也他本耕皆誤為耕賴此正之可知其佳也殘小字本春秋經傳杜氏集解每半葉十四行每行大廿三字小廿三字所存前後凡二十三卷又殘中字本每半葉八行每行十七字所存前後凡十八卷若以兩本相補唯少第十四卷耳其昭公廿年兩有與閻百詩何義門所說死而賜諡皆合但未知當日所見為穀梁附音之制爾雅單義之式先聲孕南支流何本

監本附音春秋穀梁傳注疏二十卷每半葉十殿北行每行大十八字小廿三字官本爾雅疏十卷每半葉十五行每行三十字言此穀梁既并注疏又附釋文其制與明南監所貯十行版大段悉同是孕其先聲爾雅則邢義單行舊式猶在雖疏家支流實為北宋之殿也居士前在阮中丞元十三經局立議言北宋本必經注自經注疏自疏南宋初始有注疏又其後始有附釋音注疏晁公武趙希弁陳振孫岳

珂王應麟馬端臨諸君以宋人言宋事條理脈絡粲然可尋而日本山井鼎左傳考文所載紹興辛亥三山黃唐跋禮記語尤為確證安得有北宋初刻禮記注疏及淳化刻春秋左傳注疏事乎今此賦所云即平昔議說文解字始一終亥無手迹於邵陵有舊觀論也

於東海隘林宗之重寫郵斧季之輕改收儲則一夔已誇著述則三豕猶采小字本說文解字十五卷中每行大十八字大小廿五字不等嘗別見國初葉林宗奕所藏僅從此刻傳寫者耳近青浦王司寇昶家乃有之極加寶貴幾流一足之譽也常熟毛氏初刊頗與相近後經斧季辰節次校改而大徐氏之舊觀漸以盡失金壇段茂堂先生玉裁來寓吳中遂有汲古閣說文訂之作宋本之妙固已洗剔一新即遇其誤亦必反覆推尋不加遽斥夫以海內通儒談其專業猶且伏膺鄭重鉛槧疲勞者如此然則有何未學置喙地哉客曰今之說文皆許慎手迹乎事見南唐顏氏家訓人不通古今而好為議論類如是耳

繫傳難弟楚金漣漫俄傾點竄侵尋碩果之辨不食

字林起寒山以把臂咨靈威以賞音殘本說文繫傳每半葉七行每

行大十四字小廿二字所存起通釋之第三十至末

凡十一卷寒山趙頤光家舊物也此書尤延之呂太

史李巽巖皆言其斷爛闕誤時距小徐未為遠故日

俄傾也今歛人有刊行之者正文尙脫落數百字又

經不學之徒以大徐本點竄殆遍真有不刊刻之

歎子得此本當即困學紀聞所云今浙東所刊得於

石林葉氏蘇魏公本者也非猶不食之碩果乎殘本

故云辨辨古辨字小學類故云字林耳予又有虞山

錢楚殷家所鈔完本鈕君樹玉曾借去校讀擊節浩

不置使槧本而完當復何如也鈕君家洞庭山

泐乙部連犖三家冒戒傷廉所取太奢此言史漢國

之最而尙必取宋本漢書特善清祕留將是日景祐

焉故云傷於廉也

憂乎弗亡余丞之上言觀洙之參詳僕嘗目驗若毛

若汪削長決贅補乙彌創招小宋以研精當悔下其  
 雌黃每之罔而愈況胡項背之敢望景祐二年本漢書一百卷每半  
 葉十行每行大十九字小廿七字末列秘書丞余靖  
 上言又張觀王洙皆預參詳中也每卷上下方皆有  
 朱校字最後復有墨書二行云右宋景文公以諸本  
 參校手所是正並附古注之末至正癸丑三月十二  
 日雲林倪瓚在疑香閣謹閱居士曾為予細校汲古  
 本而予以汪文盛本佐證之凡於二本所削所補各  
 千百字推原其故景文之是正已屬有失無得烏論  
 後此者乃遞經大書深刻悉溷班書可不謂至誣乎  
 唯此本未經淆亂誠宜壓卷史部也之問元劉之問  
 其所刻流俗輒目為佳故居士偶涉之耳乙者以鉤  
 識去其字招舉良史實錄藉用識蜀乃本古以愜心  
 也讀如翹闕

復字大以悅目

蜀大字本史記集解一百三十三卷每半葉九行每行大十六字小廿字所

缺舊鈔補足又殘本僅有西南夷至汲鄭五列傳考汲古閣秘本目有蜀本大字史記云有缺未知與此

何如孤行吳志數册仍六舉承祚之一隅反少期之

全局單行本吳志二十卷每半葉十四行每行廿五

字一云云乃當日專刻即汲古閣秘本目所載宋版

吳志六本者也舉一隅反全局言推異同之大凡承

祚少期文後漢翻雕秘書指蹤牒互孫宣班范關通

建塾敬室緻美罕同兼收並蓄矩疊規重殘本後漢書每半葉

十行每行大二十字小廿四字僅存紀入志三列傳

十五卷而已乃北宋年間翻雕景祐本也故行欵正

同又殘本二皆缺損已甚嘉定戊辰蔡琪純父所刻

也前仍列秘書丞余靖上言而行欵改為八行十六

字矣景祐校班范二書同時雕印予所藏班書前互

末凡八卷每半葉十行每行十八字目錄後題云建安劉元起刊于家塾之敬室乃南宋精雕也此一書三刻而殘本共五

易稱幾不察於相狃驟開卷而知益杖紹興之教授

殘本劉昉等唐書每半葉十四行每行廿五字僅存

志十一至十四廿一至廿五廿八至卅列傳十五至

廿八卅八至四十七五十五至六十七七十八至八十三

一百十五至一百十九一百二十一至二十九至一百卅四一

百四十下至一百四十四上凡六十七卷有零每卷

未有題名云左奉議郎充紹興府學教授朱倬校

正又有校勘人題名四行文繁不錄予跋之曰標題

云唐書者昉等撰時本然蓋歐宋新唐書未盛行之

先無舊稱也覆本在明嘉靖莆田編年始末九朝流

時不特多誤抑神氣索然矣

傳寓內夥矣胥鈔告日升而綱降閱實混而名消快

拜嘉於一諾飫良友之淳醪遜廿五以居乙引積薪

而解嘲

莆田陳均皇朝編年備要三十卷每半葉八

二格又殘本皇朝編年綱目備要每半葉八行每行

大十六字小廿四字列目止於廿五卷後別為一行

云已後五卷見成出售今於廿五卷中又缺其五所

存者凡二十卷而已二本版刻不同皆宋精雕今世

通行傳鈔改大小字而一之又不復知其有綱目之

名失之甚矣完本初為予友五硯主人袁壽皆甫所

藏後割愛見歸見可釋鑑音訓是優被抑身之耽與

遂甲子舊有也

闡幽行明字繡終卷無脩晒舊史之枕秘謂未白乎

豕頭史昭通鑑釋文三十卷每半葉十二行每行大

思通齋集卷一

七



系聯永樂大典證明匪全奪胎肖貌簡或閒編潛采

自鄧洵無譏焉陳騷中興館閣錄十卷續錄十卷每

書錄解題云續錄者後人因舊文增附之也錄缺沿

革一門續錄缺廩錄一門永樂大典已如此矣居士

從兄抱冲道人所藏乃毛氏影鈔精本惟貌惟肖者

也然宋本誤裝續錄卷第七提舉編脩國朝會要一

葉及提舉秘書省提綱史事二葉上入錄之七卷中

而影鈔者竟改填板心字為中興館閣錄云云以實

之非見此本無由覆正也此外所見鈔本更非東家

毛比矣故曰竹垞潛采堂以下等諸自鄧焉

雜記去聖雖遠杏壇三成堯顙親展愈求野於禮失

慨并官之久舛會叔節之書丹諭耶邑以數典孔傳

雜記二卷每半葉十行每行十八字首列杏壇圖說

詳讀書敏求記壇三重也遵王家所鈔今在抱冲道

人小讀書堆而余所得未知即葉九來宋槧否中載

聖妃氏曰并官錢少詹大昕有言以韓勅碑考之字

本居是并而今作开即聖裔有不知其誤者此尚未諱

故居士以為豈非劉子駿所謂不猶愈於野者也

子政列女深父發矇頌後有贊遂等俄空割資研之

和壁競南城之楚弓惜畫像之終佚進補亡於屏風

建安余氏勤有堂本古列女傳七卷續一卷每傳有

圖傳在圖之左右及下方行字之數不畫一此書是

王回深父據頌所定於是而顏黃門以為後人所屨

者始別在續內矣子初見此書從抱冲道人許有國

風之亡乎乃意不之許也畫歷代紀年十得其九自

序紹興今也烏有順理懸解陳錄乃剖也是疎略難

復辭咎殘本晁公邁歷代紀年卷二至十所缺第一

其自為序當紹興七年今未見以此序在首而亦缺

也此即述古堂舊物而敏求記但言紹興王子樂清

包履常為之毀木以傳不及自土風清嘉維桑與梓

樂圃先生石湖居士圖經續前郡志肇始必文足以

能徵寧疵剗之徒恃幸宋子之導先喜葉公之見埃

汰懸磬之秕糠洗汲古之泥滓紹興甲寅本朱長文

每半葉九行每行十八字中間缺葉錢磬室手鈔補

足首有楷字長方印其文曰葉文莊公家世藏紹定

本范成大吳郡志五十卷每半葉九行每行大小十

八字述古堂舊物也圖經續記磬室會刊行志則汲

古閣刻之予最先得太倉宋賓王蔚如所校志知毛

据殘宋本開雕故如牧守題名脫落特多餘亦每與

此不合乃懸磬室中親藏宋槧圖經何誤舛亦臨安

復不少耶明代刻本其不足徒恃有如此者

百卷分豆剖瓜海鹽嘗熟蒼萃竹垞墜簡十七或亡

或賒不邁神膠詎容足蛇殘本潛說友咸淳臨安志

行每行大小廿字又鈔補者十卷曝書亭集跋此書

日子從海鹽胡氏嘗熟毛氏先後得宋槧本八十卷

又借鈔一十三卷其七卷終闕焉今予所得較多宋

刻三卷矣然其餘十七卷或竟未見或雖鈔補而終

非宋刻唯聞長塘鮑君廷博所藏本內有宋刻六十

五六十六二卷為出竹垞所見外不識天壤間其尙

錢少詹大昕論此曰宋人州志多用郡名標題其說是矣初書賈某甲業於杭之城隍山收雜志書數百種以帳寄示續志在焉子遂探得之每以波斯識寶自銜然圖經殘本首三卷近在某乙許因居奇差池亦用為歎每展此書輒復姚校短長抽其端緒懸諸縈抱居士其知予心哉

國門不朽盛舉永續命於剡川厚釋誣於雅雨方綴學之共仰良無煩乎覩縷剡川姚氏本戰國策三十卷每半葉十一行每行二十字其注之所校又雙行分系於注下所謂注中有注者也癸亥年子影摹重刊又以至正乙巳吳師道本互勘為之札記詳列異同凡三卷於是而盧雅兩本竄入鮑彪所改及加字并抹除者各條始不復相牽溷矣此書與子庚申年刊蘭陵老師舊監經營明道本影鈔國語皆頗行於世

唐棐台庫瞠其先鳴擴紀聞之同異訂軒輊而為平懲餘姚之匍匐循故步乎熙寧熙寧本荀子二十卷每半葉八行每行大

十六字小廿四字困學紀聞云勸學篇青出之藍作青取之於藍聖心循焉作備焉玉在山而木潤作草木潤君子如嚮矣作知響矣賦篇請占之五泰作五帝監本未必是建本未必非餘不勝紀又云下監本乃唐與政台州所棐熙寧舊本亦未為善當俟詳考此本之末有呂夏卿重校王子詔同校題名即熙寧舊本也建本與元纂圖互注者頗近明世德堂本又從之出餘姚盧學士文韶合校諸本撰定開雕曾見從此影鈔者而引之居士細加覆審其所沿革往往可議故步一失無所持循凡合校之弊必至於此矣

新序經進年月具官庚寅焚如厯劫偏完裨益是正

奚止一端髯兮侈富於茲寒酸新序十卷每半葉十

首題陽朔元年二月癸卯護左都水使者光祿大夫臣劉向上第一卷後有國初人跋云舊本新序說苑卷首開列陽朔鴻嘉△年△月具官臣劉向上一行此古人脩書經進之體式今本先將此行削去云云本紅豆舊物也後入延令書目可知未遭庚寅之炬予嘗校之一過每與居士商推如戰國策札記所載

桃仁字之屬取資宏多矣陽山顧大有所藏亦宋槧後歸蔣辛齋氏賜書樓之書散出予嘗見之其刻差後遂多錯誤然則此真北宋槧也昔何義門手校據彼而未之有此故言何所見他宋槧極多而於茲有所不逮矣何用一授老則漢時結草注莊則晉代懸小方章其文日髯

河易州深刻而齊軌貴少吳縣大書而合轍美多

虞氏本道德經二卷每半葉十行每行大小廿字不等河上公章句也予跋之曰如春登臺尚未誤倒與唐開元易州石刻合因知其佳也南宋本南華真經十卷每半葉十行每行十八字郭象注也以經典釋文標舉之大字證之合者居多矣吳縣謂陸元朗

敬順糾纏淄澠劃然分判使我伏膺吳都注後藐藐

渺明冲虛至德真經列子張湛處度注八卷每半葉十二行每行二十五字今世所行明世德堂本注與唐當塗縣丞殷敬順釋文合并不復可以識別

盧學士羣書拾補以意分之不若此本未附釋文尤

為確然而無誤也卷第五五山始峙而不動一句俗本皆脫而不動三字居士舉劉淵林吳都賦注有之以相證謂列子善本無踰此今考玉海載祥符四年官校列子事始其時之本歟居士嘗為余言殷敬順釋文乃宋道士碧虛子陳景元依託高解鴻烈蓋云今賦文仍云敬順者不遽改舊稱也

善哉向貴蘆泉頓成陪臺憤道藏之贗鼎每張目而

一欵將高郵以助予臨欲借而遲回小字本淮南鴻烈解二十一卷

每半葉十二行每行大二十二字小廿五字棟亭曹氏舊物也相傳惠松厓絕稱明蘆泉劉績補注本惠嘗見宋本者也其實劉出於正統十年道藏不如宋槧遠甚近有妄庸人取道藏以己意塗竄增刪又多造童牛角馬之字移易舊文刻板印行不知者遂日道藏為真如此其貽誤何可勝言耶高郵王庶子引之方事重校會枉札相訊居士與黃門家訓篇廿卷王不相知而頗諷予借與之也

七欣遇考證檢度繕密縮述古而稍布窘邊幅之小

失恢逸聞於書院喟共山其無匹

淳熙台州公庫本顏氏家訓七卷每

半葉十二行每行十八字後附嘉興沈揆考證一卷

凡三冊每冊首尾有省齋一印共山書院一印省齋

未詳共山書院有藏書目錄柳待制為之序稱汲郡

張公不詳其名延祐三年參議中書省錢少詹大昕

補元史藝文志載之者也又每冊首尾紙背有一長

方鈐記云國子監崇文閣官書借讀者必須愛護損

壞闕失典掌者不許收受皆逸聞也未有中大夫秘

云此書為沈虞卿所刊虞卿紹熙中嘗以中大夫秘

閣修撰知吾郡見范志牧守題名又云虞卿自號欣

遇見楊廷秀朝天集近長塘鮑氏已用述古堂影鈔

本刊入知不足齋叢書第十集然倦翁愧郊亦叢

就其叢書為大小邊幅失之寔矣

長塘導源夢羽功歸濫觴岳珂愧郊錄十五卷每半

十一凡四卷皆鈔補餘尚有楊氏夢羽一印

葉即鮑氏叢書底本也有楊氏夢羽一印

戒癖為不腆流丹青而質實睠雲煙之過眼

雕足本

何光遠鑑誠錄十卷每半葉十五行每行廿四字出

項氏天籟閣經阮亭竹垞諸老手題初居士從徐七

來家廉值得之旋為其友程子世銓奪去鮑綠飲時

尚未與居士相識從程借鈔近亦刻入叢書其跋絕

不及居士且有程以厚價購得語當由不悉原委也

今其事已閱二十許年程薄宦江右而書轉展歸予

會屬居士補作一跋跋之尾句

日不能無雲煙過眼之感也

揮塵結銜朝請明清認諱圖畫添序茅亭津逮率爾

革祕之名

釋文瑩重雕改正湘山野錄三卷續一卷

至中卷二十三葉止凡四十七葉餘五十三葉元人

補鈔有跋云至正十九年六月十九日覽訖殘本揮

上四種皆經汲古毛氏列入津逮中然湘山野錄斧  
季重用前本手勘者今亦在子家錯誤無慮數十百  
處也其餘大率類是故居士以醫藥方論載網載羅  
為秘書之名即革之斯可矣

乾道傷寒淳熙產科專門疇覺違計其他李樾傷寒  
每半葉九行每行十六字末葉有二行云右傷寒要  
旨一卷藥方一卷乾道辛卯歲刻于姑孰郡齋此書  
載書錄解題陳氏曰皆不外仲景也朱端章衛生家  
寶產科備要八卷每半葉九行每行十五字末卷有  
三行云長樂朱端章以所藏諸家產科經方編成  
八卷刻板南康郡齋淳熙甲辰歲十二月初十日錢  
遵王言其首列借地禁草禁水三法活人問答之叢  
今罕有行之者亦罕有知之者矣

殘事親圖說之戢香得十便於大衍貴千金於備急  
窺秘要於鄴臺僉有潘之可拾殘本重校正活人書  
每半葉十行每行十

九字所存十至十二凡三卷書錄解題云南陽活人  
書十八卷朝奉郎直秘閣吳興朱肱翼中撰以張仲

景傷寒方論各依類聚為之問答也晁氏讀書志云

二十卷今未知孰是殘本張從正儒門事親所存二

十一葉自撮要至扁華訣凡七日有毛子晉印章汲

古閣秘本日宋板醫家圖說一本即此也殘本十便

良方每半葉十三行每行廿二字所存十一至十七

又廿一至廿三凡十卷其目尚存蓋本四卷所集大

四之一耳其序乃鈔補稱附益紹熙孫稽仲所集大

衍方果得其便凡十焉未署慶元乙卯十月二十四

日汾陽博濟堂書作者姓名未詳孫名紹遠大衍方

載書錄解題殘本新雕孫眞人千金方每半葉十五

行每行廿四不等所存一五又十一至十五又

二校之一至末凡二十卷以錢述古鈔本千金備急要

方校之尚鮮有一處符合者可稱奇秘矣人命至重  
有貴千金思邈自序語也殘本外臺秘要方每半葉  
十三行每行廿四字所存但目錄及第廿二卷耳近  
聞居士為陽城張古餘先生敦仁以廉值獲泰半部  
心馳神往於一見矣以上五書皆缺損已甚故等之  
於拾瀋拾瀋字本出左氏傳而此所用意有小異也  
籠經史與百氏羌更僕而未殫苟泛言以及集又文

海而詩山此二韻為下文其爾其陶誠實世籤題元

筆規往之外几塵屢拂陶淵明集十卷每半葉十行

云與世本實然不同如桃花源記中聞之欣然規往

今時本誤作親謬甚他如此類甚多籤題係元人筆

不敢易去云云即此本也最後附會絃說一首云親

友范元義寄示義陽太守公所開陶集末署宣和六

年是北宋槩矣宋宣獻言校書如拂翰林歌詩古香

几上塵旋拂旋生即此說中語也

溢紙濡染亂真對此色死元豐三年臨川晏氏本李

數與康熙中繆氏覆本同繆嘗九家杜注寶慶漕錢

用以亂真然特不可以對此耳

自有連城蝕甚勿嫌葉九行每行十六字所存五十

五葉即寶慶乙酉曾噩子肅重摹淳熙成都本刊于

南海之漕臺者也敏求記稱其開板宏爽刻鏤精工

洵然惜缺損已甚耳自有王沿表進移氣麻沙秀句

連城者斷章於遺山詩

半雨夙假齒牙王右丞文集十卷每半葉十一行每

行二十字不等傳是樓舊物也王縉

搜求其兄詩筆隨表奉進此刻是麻沙宋板送梓州

李使君詩亦作山中一半雨樹杪萬重泉云云皆見

敏求孟出史院謹脫覆瓿抉剔其妙辰翁却走然詩

集三卷每半葉十二行每行廿一字有翰林國史院

官書楷字鈐記嘉定瞿中浴鏡濤甫見之曰此元時

印也存於今者僅矣謹僅同字予以校元刻須溪先

生批點孟集乃知辰翁強分門類遂致全篇或脫或

衍字句閒更昌黎數四百衲之裔別加點勘須茲起

不足言矣

例殘大字本昌黎先生文集每半葉十行每行十八

也又殘小字本昌黎先生集每半葉十一行每行廿

字所存卷一至十字畫方勁而未注當是北宋槩

又殘本同前刻所存第三十九第四十兩卷又殘本

朱文公校昌黎先生集每半葉十二行每行廿一字

所存卷十一至末子欲以四殘本相補完故日可作

述古堂主人百衲史記之流裔也別加點勘者郡前

輩陳少章氏先已著有韓集點勘也又張古餘先生  
 向得殘本今年春會許與南宋殘本九章及張邱建  
 孫子新得殘本一併脫手見贈介居士及袁壽皆甫易校  
 山東後經某人甚之不廬山長慶見取六丁金華太  
 果某人者予舊學徒也廬山長慶見取六丁金華太  
 史獨著精靈殘本白氏文集每半葉十一行每行廿  
 一字所存十三至十六又二十一至二十六至三  
 十四又五十五至五十八凡十七卷長慶集北宋時  
 鏤諸版所謂廬山本者庚寅一炬種子斷絕唯此金  
 華宋氏景濂所藏小宋版圖記宛然古香可愛推  
 希世珍矣事詳敏求記其所數存卷有誤今正之賓  
 客碑文受教名儒以石攻錯乍彰其瑜殘本劉夢得  
 文集每半葉  
 十二行每行廿一字所存一至四而已曩者錢少詹  
 大所借讀明刻完本劉集於予手校袁州萍鄉縣楊  
 岐山故廣禪師碑文疏於別紙云石刻與刻本不同  
 者二十餘字多五十餘字今宋本雖未能盡爾然與  
 明刻異者必五言長城未墮文房雜著附見知勝建  
 與石刻同

昌殘本劉文房文集每半葉十二行每行廿一字所  
 存五至十凡六卷書錄解題云劉隨州集唐隨州

刺史宣城劉長卿文房撰詩九卷末一卷雜著數篇  
 而已建昌本十卷別一卷為雜著子別藏臨何義門  
 校即據建昌本以相次道序後貞曜增重彼哉玩物  
 覆勘知此為勝也

廁諸骨董小字本孟東野詩集十卷每半葉十一行  
 每行十六字北宋槧也有集賢校理常山

宋敏求後序及本傳貞曜先生墓誌各一首曾藏於  
 延令季氏亦入傳是樓蓋疊為真賞家所重矣又有

安麓村一印敬輿中書文饒一品事涉經濟不厭其  
 安賣骨董者

審殘小字本陸宣公奏草五六兩卷又中書奏議五  
 六兩卷每半葉十二行每行廿二字汲古閣舊物

也殘本會昌一品制集每半葉十三行每行廿二字  
 所存一至十凡十卷此二種予悉嘗用以手勘他本

語人云不敢因其缺損已甚而忽之豈胡曾咏史廣  
 特佞宋亦以重二公也今為賦所取

陵賸餘米評陳注興歎翳如注胡曾詠史詩三卷每  
 半葉十一行每行大廿



二小廿七字延令季氏舊物也首題前進士胡曾著述并序邵陽叟陳蓋注詩京兆郡米崇吉評注并續歸余也詩凡一百五十首起烏江終滎陽

雖小可觀睦親之坊唐求味江山人幼微咸宜女郎昭諫甲

乙用晦丁卯泊朱慶餘一一妍好唐山人詩一卷女

甲乙集十卷許丁卯集二卷朱慶餘集一卷每半葉

十行每行十八字皆臨安府棚北大街睦親坊南陳

謂書籍舖印行所若乃觀温國於徐盧箴傳家之膏

盲温國文正司馬公文集八十卷每半葉十二行每

第一葉間有朱書一行云洪武丁巳秋八月收鈴以

小方章一文云徐達左印又大方章一文云松雲道

人徐良夫藏書卷第八十後副葉有墨書三行云國

初吳儒徐松雲先生收藏温公集八十卷缺九卷雍

謹鈔補以爲完書云宏治乙丑秋九月望日石湖盧

雍謹記予得之以嘉慶丁巳暇日偶校舊鈔傳家集

觸處見誤近刻復何足道耶書眠石林之奏議鬱剝

之可稱祖本者唯此種是矣

落而生芒葉夢得石林奏議十五卷每半葉十行每

署開禧丙寅六月既望姪孫朝奉大夫改差權知台

州軍州兼管內勸農事借紫箋謹書此書陳直齋著

於錄近汲古閣秘本日載影宋精鈔此較神子適之

勝之矣居士頗惜其紙板有剝落處也

渭南叶告夢之殊祥渭南文集五十七卷每半葉十行

定十有三年十一月壬寅幼子承事郎知建康府溧

陽縣主管勸農公事子適謹書此是家刻故游字皆

稅務鄭師尹序一首書錄解題云劍南詩藁二十卷止淳熙丁未續藁六十七卷自戊申以及其終當嘉定庚午其幼子適續刻之今經汲古毛氏一槩合刻面目無復存焉者矣此雖殘帙猶可考其初不提連也

**躋友林之逸品儷聲價於吉光**  
史彌寧友林乙稿一卷每半葉八行

每行十六字子又有覆本行字相同潛學堂題跋稱在都門所見即覆本耳真本流麗娟秀兼饒古雅之趣在宋槧中別有風神未容後來摹倣也予跋之目為逸品又考趙希弁讀書附志云友林詩藁二卷有黃景說曾丰序今詩既一卷

**裂梁溪之卅八孰斯文**  
又無此序佚其甲稿無疑矣

**之可喪**  
殘本梁溪文集每半葉九行每行廿字凡三十八卷未有乾隆六年二十六年世孫枚跋稱

雍正己酉下榻衍聖公之九如堂詢知梁溪文集為舊族高陽相公持去高陽諱霽越十餘年過上谷所屬之地高陽府第半屬荒基而是集猶在因以歷歲所餘館穀與之而是集始得返趙云云觀此可知其珍重也然實經割移卷第而跋未知之今予就版心字跡釐正焉古律詩九十兩卷為第十三十四表割

奏議三至十四為卷第四十一至五十二又廿四至卅二為第六十二至七十又五十三至六十為第九十一至九十八又六十二為第一百一百迂論四為第一四題跋上中下為第一一百五十三一百六十三書錄解題云百二十卷趙希弁讀書附志云百七十卷此卽百七**證擊壤於泰興**  
殘本伊川擊壤集每半葉十卷之本

至六凡四卷而已泰興季氏舊物也延令目云宋邵康節擊壤集二十五卷卽此彼時蓋尙完然考晁陳及馬氏著錄

**護乖崖於崇陽**  
殘本乖崖先生文集每半葉五乃衍字

卷至六卷以下至卷十二皆賜書樓舊鈔本也讀書志十卷增廣并語錄云近時郭森卿宰崇陽刻此集舊本中春朔邑子朝散大夫特差荆湖安杭大吏司主管機宜文字權澧州軍州事賜緋龔夢龍序云前令君天台郭公森卿嘗采寘郡齋已未兵燬遂為煨燼今合史左綿伊公賡曰儒術飾吏復錄梓**奇兩探於真**以壽其傳是郭本之重刻於崇陽者也

魏西山先生真文忠公文集五十五卷每半葉十行  
 又五十二至五十五皆鈔補而第五十一全卷盡缺  
 考書錄解題經籍考皆五十八卷延令日乃云第五  
 一卷今宋槧前後凡存四十二卷而止於卷之第五  
 十鈔補未知所出無以訂此也鶴山先生大全集一  
 百十卷每半葉十一行每行廿字首有淳熙已酉宛  
 陵吳淵序第一卷首缺損一葉又四行其第五行始  
 為寄題雅州胥園云云而明邛州刻本竟以此題為  
 首誤甚矣惜缺十八十九卅五至卅八四十三至四  
 十六五十五至五十八七十九卅五至卅七七十一  
 八卷西山與鶴山並稱洵南宋之兩大儒也予皆得  
 其集之善本異三擇乎豫章殘本豫章黃先生文集  
 亦足以豪矣  
 字所存一至十四又十七至十九凡十七卷其第一  
 卷末有山房李彤洛陽朱敦儒正是一行殘本豫章  
 黃先生外集每半葉為書賈所去別以第十四卷末  
 而巳第六卷末葉為山房李彤云云一行自詭於全  
 足之因此葉後亦有山房李彤云云一行自詭於全  
 帙也延令書目載後集六卷殆緣是歟然其所載山

谷集三十卷則未缺今不知在何所殘本任淵山谷  
 黃先生大全詩注每半葉十一行每行廿字小廿  
 四字所存卷一至十八其後皆缺每卷中復多缺葉  
 末葉有粘籤一條云一本永樂二年七月二十五日  
 蘇叔敬買到抱冲道人得南城廢殿本古列女傳有  
 此即載於敏求記者其外未聞更見於他書也子嘗  
 攜就小讀書堆驗文考信於南卿殘本王阮義豐文  
 之字跡正出一手  
 行十八字所存五十八葉前有淳祐戊申大梁趙希  
 至叙後有淳祐癸卯吳愈叙通體均遭割補文僅未  
 半葉與前半葉和淵明詞云云初不連屬缺損已甚  
 矣元書幾卷無從考見惟程史以為阮所作詩號義  
 豐集刻江津校官馮椅為之序者詞傳疑於立方殘  
 有詩無文決非此本也南卿阮字詞傳疑於立方殘  
 侍郎葛公歸愚集每半葉十二行每行十二字所存  
 五至十三凡九卷漁洋山人居易錄云宋葛立方常  
 之歸愚集十卷詩四卷樂府一卷騷賦雜文一卷外  
 制二卷表啟二卷今宋槧無樂府而子藏汲古毛氏  
 精鈔宋人詞百種中有之即刻入六十卷此槧當與之  
 傳鈔者取以附益耳書錄解題二十卷此槧當與之

同但不知樂府 諦樂城而小字 殘本樂城集每半葉  
 在缺卷內否 所存前集共八卷後集所存九至廿一行每行十八字  
 刻於文處見一殘册 披益公而疏行 殘本周益公集  
 冲道較人亦未槧也 其字較六字所存者為省齋文稿一至八又廿八至卅  
 行十平園續藁一至十五又廿七至卅又卅六至四十五  
 六堂類藁六至八又十一至十三至卅又卅六至四十五  
 又十至十二承明錄一至六書稿九至十一附錄五  
 卷凡六十九卷疏行大字軒爽悅目予又嘗別參寥  
 見歐集於某所欵式悉同此殆傲彼而為之也  
 歸攝六之物 行參寥子詩集十二卷每半葉十一行每  
 物有黃子羽讀書記小印也子羽名翼攝六是其號  
 此印前湘山野錄亦有之凡各書圖記唯涉賦文乃  
 加詳述餘或有偶及者然多不盡也 致道返淮東之  
 如此書并有季滄葦徐健菴名氏章 藏北山小集四十卷程俱致道撰每半葉十行每行  
 廿字用故紙刷印錢少詹有跋云驗其紙背皆乾

道六年官司簿帳其印記文可辨者曰湖州司理院  
 新朱記曰湖州戶部贍軍酒庫記曰湖州監在城酒  
 務朱記曰湖州司獄朱記曰烏程縣印曰歸安縣印  
 日監湖州都商稅務朱記意此集板刻於吳興官廨  
 也紙墨古雅洵是淳熙以前物云云卷尾有黃氏淮  
 東書院圖籍印未詳其為何人上句曰歸此日返者  
 由吾宗以 伊駢列以十數悉求是之康莊 言宋集而  
 取義也 至於宣城之三謝 唐庚集三謝詩一卷每  
 信最確不 假他塗也 城本者是有嘉泰甲子郡守譙令憲重修云云所謂宣  
 字卷中者是也子得於蔣氏貯書樓篁亭有手記字數  
 行在京兆之五竇 竇氏聯珠集每半葉九行每行十  
 末葉京兆之五竇 竇氏聯珠集每半葉九行每行十  
 門校汲古閣刻其跋云康熙辛卯春日購得葉九來  
 所藏宋本乃願大有舊物因改正五十餘字中行杏  
 山館聽子規一篇諸本皆脫去尤可笑者和峴王崧  
 二跋中大天字皆訛為大夫不通今古其陋乃至  
 此耶云云今覆案之誠然其使君之才調 卷每半葉  
 聽子規詩乃竇常之末篇

十行每行十八字卷二至卷五為宋槧餘鈔補第一  
 卷有季振宜藏書一印合諸延令目云才調集十卷  
 四本宋本鈔此**衲子之宏秀**殘本唐僧宏秀集每半葉  
 補知其即此卷一葉又半葉敏求記載元人鈔本十  
 卷并缺第一卷一葉又半葉敏求記載元人鈔本十  
 卷云寶祐第六春荷澤李龔和父編蓋完帙也唯汲  
 古閣秘本日影宋板精鈔不**荆公之百家**殘本唐百  
 著其完與殘未知出何本耳**荆公之百家**家詩選每  
 半葉十行每行十八字所存一至十一凡十一卷首  
 有楊蟠序商邱新刻所無餘亦相去涇庭又有分類  
 宋槧殘本在**洪氏之萬首**殘本萬首唐人絕句每半  
 小讀書堆後凡三十六卷而序及目錄完好無恙敏求記言目  
 錄二卷七言七十五卷五言二十五卷六言一卷趙  
 宦光所刊統而一之譏其好自用誠哉是言也明嘉  
 靖時有覆宋本者規模未改勝趙刻遠甚然終不若  
 此之**唐粹則一朝**文粹一百卷每半葉十五行每行  
 可寶**唐粹則一朝**廿六字不等末題云臨安府今重  
 行開雕唐文粹壹部計貳拾策已委官校正訖紹興  
 九年正月八日其名銜文繁不錄嘗見何義門小山

兄弟皆用此以校明刻本朱字爛然至於盈紙予近  
 亦思手勘一副本而逡巡未就乃知前人用功之勤  
 亦有未可**宋選則衆手**小字本聖宋文選三十三卷  
 遽沒者并撰錄人姓名凡選十四家歐陽永叔二卷  
 無序目并撰錄人姓名凡選十四家歐陽永叔二卷  
 司馬君實三卷范希文一卷王禹偁一卷孫明復二  
 卷王介甫二卷余元度一卷曾子固二卷石守道三  
 卷李邦直五卷唐子西一卷張文潛七卷黃魯直一  
 卷陳瑩中一卷此書徐立齋舊物也近從武進趙司  
 馬懷玉所歸於予又嘗別得殘本同此一刻缺卷七  
 至十一王禹偁孫明復王介**遇其全可以樂遭其缺**  
 甫三家他日當影鈔補足之  
**可以守冶金鐵而必精流纖洪而均受**言總集類八  
 其書亦非一致特**其餘又有朱楊之易徐解拾遺**朱  
 因宋槧並收也  
 易學啟蒙上下卷每半葉七行每行十五字卷首自  
 序一通末署雲臺真逸手記亦逸間矣張先生校正  
 楊寶學易傳二十卷每半葉十行每行廿一字張先  
 生者誠齋門人張敬之顯父也前有淳熙戊申誠齋

自序及奏劄此二種宋人說經之未紅豆累跋河汾  
 入徐氏通志堂經解者故曰拾遺也  
 表微物也卷端有其二跋其一云此為宋刻善本今  
 世行本出安陽崔氏者經其刊定駁亂失次不復可  
 觀今人好以己意改竄古書雖賢者不免可嘆也其  
 一云云乃論王統和手鏡方遼庶幾龍龕手鑑四卷  
 通也茲不具錄  
 行大小卅字不等上聲一册汲古毛氏精鈔補足相  
 傳此書遼刻元名手鏡宋刻改為鑑今驗此標題是  
 宋而非遼矣敏求記所載與此正同乃遵王仍以契  
 丹鏤板說之豈因首列統和十五年丁酉七月初一  
 癸亥燕臺憫忠寺沙門智光字法炬序遂以為據耶  
 序云猶守持於鸞鏡鏡字但缺一筆而不改則又何  
 也  
**四六餘話非槩猶稀** 雲莊四六餘話不分卷每半  
 楊困道深仲末題幔亭黎夢庚秀伯校正此書不見  
 於諸家著錄唯述古堂目有之云一卷鈔益知宋槧  
 之為罕 **一册垂丞相之型** 漢丞相諸葛忠武侯傳一  
 秘矣

字凡前三葉為一册文三橋舊藏也此傳宋 廿葉感  
 侍講張栻所為其詳在書錄解題傳記類  
**左徒之躅** 錢杲之離騷集傳一卷每半葉九行每行  
 入叢書即從此出汲古閣舊物也予得之桐鄉金主  
 事德輿家卷首有畫蘭一幅香草以配忠貞其斯之  
 歟 **蔡撮鑑而甫知文子** 袁氏通鑑紀事本末撮最八  
 字首列兩行一云建安袁樞機仲編一云建安蔡文  
 子行之撮各家書目所未載有毘陵周九松藏書一  
 印 **劉苑詩而纔聞伯玉** 詩苑眾芳每半葉九行每行  
 四家首長樂潘氏終古沐吳氏署云吳郡梅 愚齋增  
 溪劉瑄伯玉敬編亦各家書目所未載也  
**注之三賦** 葉九行每行大十八字小卅二字不等注  
 中有注三賦者會稽風俗民事堂蓬萊閣也前有嘉  
 定丁丑愚齋史鑄序云風俗一賦雖有刻溪周君為  
 之注惟以表出山川事物為意而公之文章以經史  
 百家之言盤屈于筆下者殊未究其根柢暨民事蓬

萊之作其注又闕然無聞由是不揆  
 蕪淺輒皆為之注云云周名世則  
 牘二李學士新注孫尚書內簡尺牘十六卷每半葉十  
 日後有蔡氏家塾校正六字予向有鈔補序一趙靈均用元天  
 三祀庚午本所校之月梅山蔡建侯行父謹序以之相文訣  
 證即此本之序而今失去耳元本蓋從之出也  
 變其從同 殘本迂齋先生標注崇古文訣每半葉十  
 五至末又鈔補四卷元二十卷之中仍少十二卷十四  
 兩卷有一印文曰吳郡西崦朱榮書畫印又有未  
 榮西崦各一印吾郡明初之藏書者也頗不經見交  
 訣藉此增重矣予嘗欲搜訪藏書家起元明之交終  
 於所聞見各撰小傳合編一集然後如未榮者 歷要  
 或不致有名氏翳如之歎此亦好古者之責也 歷要  
 矜於所獨 三歷撮要一卷每半葉十行每行十九字  
 具注集聖廣聖諸書皆選擇家言司天監據以鋪注  
 頌朔者也劉德成方捺仲汪德昭倪和甫蓋當時術

數之士今無能舉其姓名者矣予謂陰陽伎術之書  
 本易亡失集聖歷四卷宋楊可撰載晁志百忌歷二  
 卷稱唐呂才撰載陳錄今皆未見此歷亦載陳錄云  
 一卷無名氏又一本名擇日撮要歷大略皆同建安  
 徐清波宜翁云其尊人尚書公應龍所輯不欲著名  
 今子所得即真齋著錄之本也外間絕未聞有傳之  
 者 以及硯石南宮 米芾硯史一卷每半葉十行每  
 遺集之一種也錢嘗收得 書法道人 陳思書小史十  
 完本今轉徙未詳所歸 第六其以上毛氏鈔本補足  
 行每行廿字宋槧起卷道人趣尚之雅編類之勤云云  
 有天台謝愈修序稱道人趣尚之雅編類之勤云云  
 忘憂清樂 忘憂清樂 忘憂清樂 忘憂清樂  
 譜二卷非也書錄解題云忘憂清樂集一卷恭待詔  
 李逸民撰集即此又考讀前御書院恭待詔李逸民朝  
 劉仲甫編故此集首題曰前御書院恭待詔李逸民朝  
 重編也上中下小數豈記劉之舊第耶特拈出正之  
 梅花喜神 宋伯仁梅花喜神譜不分卷自蓓蕾以至  
 就實圖形百各系以五言斷句景定辛酉

金華雙桂堂重鉞此書亦載足本敏求記予辛酉北  
 游得之琉璃厥伯仁字器之湖州人江湖小集載其  
 雪岩吟草歷官事行大略可見然世之知有此人此  
 書者鮮矣其初刻在嘉熙戊戌者今當不復可得  
 夷堅片甲殘本夷堅支甲每半葉十二行每行廿三  
 字所存一至三又七八凡五卷又殘本支  
 壬每半葉十行每行十八字所存三至十凡八卷支  
 癸所存一至八凡八卷合兩刻僅廿一卷而已文惠  
 元書共四百二十類說一鱗殘本類說每半葉十行  
 卷此缺損已甚矣類說一鱗每行十六字所存序及  
 仇池筆記遜齋閒覽東軒筆錄而已序末署紹興六  
 年四月望日溫陵曾慥引汲古閣秘本日云宋板類  
 說真本首册即此莫不附驥而服上駟在御而充下  
 也讀書志六十卷陳第自其餘又有以下居士總無慮而筭目頗踰數而  
 多閏本通數所賦不數重嗜遑遑其靡厭挹兼箱於劣  
 僅馳香巖與芳茱思計日而取僂範居室於衛荆姑

掩而一慙香巖吾友同郡周君錫瓚書屋名其家  
 宋槧有殘本太平御覽等芳茱歸安嚴  
 君元照之堂也君字九能居士與之稔為子言其宋  
 槧儀禮要義等右皆銘心絕品為之形於夢寐者也  
 居士既成此賦予旋得御覽矣又別得紹興本管子  
 洪氏集驗方秦隱君詩殘本幼幼新書揮塵錄前錄  
 殘小字本三蘇文粹殘本續資治通鑑節要皇朝中  
 興繫年要錄節要殘本王逸注楚辭衛湜禮記集說  
 錢佃本荀子注殘本資治通鑑李善注文選殘本東  
 都事略史載方韓文考異李復言續幽怪錄之屬凡  
 數十種倘符掩而二百也見說文於是撰江夏之別錄  
 士為後賦乎爾二也見說文於是撰江夏之別錄  
 彙無雙而作固要擇精而語詳竭兩端於我叩推尚  
 友於延令覈名實之不售置敏求以絕塵肯卑之而  
 或糅子思撰所藏書錄專論各本以宋槧一元槧二  
 毛鈔三舊鈔四雜舊刻五分列今宋槧粗就矣  
 昔人書目未有題以宋板者有之自延令季氏始但  
 其日後仍廁他刻此區區之未盡愜心者也讀書敏



求記則凡宋元鈔刻雜糅並陳又或騁其行文之且  
便一槩略去弗言致令不可識別尤不能無憾耳且  
其造部福帙福即副貳字顏氏千積萬贏甄綜近時

陶鑄元明亦嘗雲而仍之至其遐稽幽討鉅豪擷芒

測量中古傳聞漢唐固已高而曾之得其大則存亡

起廢僚惑條紛炙轂賢路擁篲聖門得其小則博物

所效多聞攸資秘帳助談閎市立師是故上徹下通

鉅函細入交讀藏以成其善此百宋之所以莫能及

也存亡者晦而仍出也起廢者壞而復善也僚惑者

疑而取決也條紛者亂而獲理也四者居宋槩之

大端矣聖賢經傳乃賴之以不墜其為夫洞庭廣樂

用亦鉅矣哉故博物多聞猶其小者耳

豈齊響於鼉咬豐人杼首焉偶形於么麼狂簡不知

所裁識者燭其弗可而況顛倒白黑錯亂是非予兔

園以徇曲奪鴻寶以挾私亦猶折衡而揣輕重踣表

而儼高卑必倍勞而倍拙不足哈而足悲用是略抒

揚推粗陳梗槩冀蘇重性之久迷請覺馳繆之常寐

倘欲極其精微窮其博大逐字洞其癥結每篇斷其

凡最鑽礪卒業竟壽畢世非僕倦談所能一二者也

居士之言未終客乃氣索神沮手頽不能畫舌強不

能語忘乎其所詰失乎其所據敝罔靡徙遷延而去

於是主人曰善願因筆墨次第厥詞荅難應間終身

誦之始予請居士撰藏書賦在己未庚申問許而未

為也後以今名重請迨甲子冬杪此賦方就時

居士教讀於廬州府晉江張太守所又明年乙丑春  
手書其藁見寄及秋居士以將往山東應孫淵如先  
生之招而歸家省母然後行適余  
注賦竟遂仍相商推定之如右也

思適齋集卷一終

思適齋集卷二

元和顧千里澗蘋

賦詩

對床風雨圖賦 為錢竹汀可廬兩先生作

雅材邵穆嘉鄂鄂之物性焉微言宣父迪熙熙之士  
行焉况乎絕學並劬懿德偕隆名器望等大年尊同  
處後號難為之弟居先稱寡有之兄洵倫中之最樂  
翳門內之至榮渺近古以求其人則惟我嘉定兩先  
生也故其合志同方連棟比居殫心紬史窮年著書  
聖藝之所原本雜學之所攷獻入奧必盡苞鉅靡餘

此賦是儒林下堂賦  
選卷之七宗  
案照三即怡

小學惟兩先生  
下後揮毫  
學術極編

思通齋集卷二  
或集四部七錄而綜緯或析六書九數以杷梳或羅散佚於職官或理糾錯於方輿或軼金石於趙洪或駕輶軒於雄閭或蒼沮究其終始或彪嶠專其補苴滿家汪洋等身喋辭方瀆則河濟交流比嶽則華吳埒列門風仁讓家法惇慎體孫卿之慈訓協管敬之裕順儕魯毓之恭丕擬沛挺之璣璣族黨無閒幽陬不遘人倫飲其仁聲天下遡其令問休休穆穆肅肅愔愔如椒如蘭日玉日金載名特達競爽連翩詹事奏賦於壯歲徵君貢帛於耆年各登殊科均膺顯遇既邢實以搢秋亦枚輪之騁路出抗疏邴之高情處

龔荀黃之雅愔有孳文之公賞無籬庭之私懼經師參其從游人宗沓其胥附有德有齒壽世壽身寧假術於服氣祇取效於行仁聰明堅固精神蘊藏霜樅雪柏漢伏秦蒼歷年差肩開袞繼踵對櫛而黃髮齊垂會食而齟齬互動唐老爰慙宋英斯懜德星疊推靈光兼重則有河間雅望關內清流銜鶴書於鳳闕綰龜章於雉州隘制作於舊志規改爲於新脩慮載筆之煩曠索名儒而諏謀下懸榻放僊舟歌適子賦來遊宓瑟助墳篋之韻潘花扶常棣之跗被眠姜而拓幅屋住陸而搯區資疏證以晤對佐揚推以驩虞

惋宦游之昔。睽懌晨夕之今。俱既極致於即事。遂宣  
意而成圖。徵茲畫師。選於眾史。運靈模真。攄巧追似。  
色分滓垢。影映華斑。笑儼或莞。語恍相然。積讀書而  
貌古。含林泉而氣閒。旁寓興於物色。遙取類於眉山。  
實講席所匠締。非粉本所肄嫻。乃有軼軻賤士。蒲菰  
菽生。初登門而問字。末與藉而執經。慚懷鼠於知己。  
感顧馬於生平。辱郵命以授簡。獲肅觀於當榮。進而  
稱曰。美哉乎斯圖。觀體度之循循。則如讀儒林。而握  
兩瑜也。挹庭表之盎盎。則如緇英賢。而懸雙珠也。窺  
退中之抑抑。則如披高士。而彼此弗渝也。望秀顛之

案行即序字謂東序也概  
當作序即塾字說文序  
東也塾可作序

案此當作序即塾字  
謂塾也

案考當作去序者游序陳  
道傳性喜書與人往來  
藏書以爲樂序注長序藏也  
即序反又音序賦用此字  
乃係字以心候寫者之誤

皤皤則如稽耆舊而先後罔殊也。方將具縑素以臨  
寫。傳英璫而鐫勒。永丹青於來襪。遍黼藻於遐域。貢  
東杼而作寶。寘都門而爲式。郡惟黌前。鄉有墩側。獲  
標槩布型。陳儀植慰奉。教於稍遠。引聞風於無極。豈  
徒載家乘而談美。列名蹟而品特。貽嚙趾之瞻仰。增  
弁麓以故實也哉。

五硯樓賦 爲袁綬階作 甲子十月

楓江草堂漁隱小圃中有樓焉。藏硯惟五。主人延登  
樓指而語。厥首一枚。文清宿弄。泰定而還。墨海幾主  
長者快諾。石歸青浦。廉吏別傳。汝南家譜。以諡奇產。

彭孔嘉父碎金點點比德星聚端溪潛璞堅潤罕觀  
款識介隱出琢玉斧列岫陳迹謝湖荒渚各獲舊製  
若奉遺槩凡此一一俱等璧珎清泉以洗漆匣以貯  
敬肅而拜愛護則撫永永寶用弗墜先緒故雖樓也  
羣詫勝所憑檻試望青山媚斌如挾積翠來撲牖戶  
物色幻變春晴秋雨允號多景而胥無取若夫收藏  
清閼之府讀畫煙雲訪碑寰宇駭彼五都浩此四部  
莆田史秘君卿典鉅泰和醫經前輩所詡字美圖精  
觀者舌吐補脫正訛紬之貽貯以較於硯猶未爲伍  
獨錫是名含意未抒我來最頻請觀悉許及序記圖

洋洋鋪敘深情勃鬱咽而難茹衆有舟壑生世寄旅  
遠不可說近事略舉絳雲如雲去隨天姥傳是何傳  
錯雜榛莽有力且窮餘子况窶然而過客辦香思炷  
東隣西壁屋乃藻黼究極綺麗閉置歌舞迨其俄空  
速草木腐諒哉淵山詎曰小愈吳中蘭綺閱世環堵  
賁落三張泊四皇甫文門弟子昆裔屠沽偉矣六駿  
竟得指拄文采風流依然繼武高懷玉朗傑思虎怒  
掇抬手澤殘鱗片羽鎮之以硯列城不數類乎范喬  
願終付與巋然者樓峙於水滸履滿名公車停勝侶  
椽筆特署揭之檇栢恒在人口六幕周溥感夫清芬

思通齋集卷二  
四  
欲下延佇爲之稱曰樓之美兮美吾土硯之珍兮珍  
以祖硯或穿兮樓或沮佳名垂兮萬萬古

和彭甘亭贈句

洙泗列四科游夏爲文學遙遙二千載屢絕仍屢續  
近葉生亭林天使先知覺疾呼扶微言痛心憫末俗  
吾道期起廢斯人免沈陸嗟予逾壯齒遺書始得讀  
雲霧祛障翳歧旁止躑躅未能有一體敢遽稱私淑  
庶幾綿葛力密沒激揚勳乃今多鬼瑣視昔尤骯曲  
服鄭被擣摺班荀遭割剝六書與九數貴耳而賤目  
不落則著作有集成欲速載道化異物言志競流毒

春華秋實間涵涵合一族幾乎古典型破壞不可復  
何爲使之然厥疾膏肓篤奴主互紛貶歸致特利祿  
懸金瞰國門抵掌鑽華屋假道資巧取筆硯以衒儂  
習非旣勝是詭詭拒忠告投石竟斂手拯溺枉濡足  
客歲交彭君耕野獲結綠潛心閱雙鬢文選理精熟  
博瞻涉墳素武庫便便腹卓犖吐詞賦羣言受約束  
壯采麗如春虛懷謙若谷時時勞諏詢一一累往復  
奚殊太原人大雅接所獨竭來貺長篇光燄絳霄燭  
抨彈到汝曹連拄折其角披覽意乍快數四色轉蹙  
昨聞論撰述絕重日知錄於中具鈐鍵爲此樹正鵠

器識士所先下者咸趨起生材必有用區別譬草木  
六經待鼓吹胡然薄雕琢盍奮間氣雄便振積衰局  
敷條發詩葩立幹堅書樸重令文泊儒衆輻輳其轂  
登高據壇宇風移杖陶育泥塗跡偶屈亦日星河嶽  
徵信仁人言貽孫君子穀千秋值夔野聆音辨清濁  
彼哉當世名彌榮或彌辱倘張拔幟軍我願執鞭僕  
雲龍相上下驅使堪追逐作頌幸永懷取義清風穆

古詩一首贈顧澗蘋

彭兆蓀 甘亭

中壘條九流諸子繼六籍子衰別集興藝文志繁  
蹟詩賦分五家宗派傳古昔說亡日猶存原委略

能繹就中馬與揚摘辭乃極則相如著凡將詰訓  
事詮釋子雲本經師油素賫四尺寧惟才鱗斌要  
本學宏碩卽如班論都蘭臺擅史職平子研京手  
元象精究測文外各有事往典具可覈源積流斯  
長所吐視所食是以詞章貴足參經訓席自從軫  
材多鹵莽昧持擇冥心矜捷取求易思弋獲日乏  
寶書寓陋挾兔園冊葩花稍剽盜丹蘄資塗澤吁  
嗟潢汙水安望當潮汐顧君挺中吳神觀秀孤特  
臣朔誦冊萬淮南讀三壁微言墜義研隱伏工發  
擿實事求是懷咫尺聞埽襞績漆簡汲郡探亡篋河

東識四部肉貫弗百家心應鏘富真山淵苞織或  
蟲魚析本此爲文詞貫虹升玉色連狝出瓌製寶  
氣戶庭塞羅絡東西京揮斥潘左格絳雲卷霄青  
明霞爛域赤瞠疑小儒眼褫攝才士魄曠世茲雄  
奇華崧峙噴崩方今儒多途華實異畛域樸學令  
染翰方心手生棘浮夸與論古低首但塞默易觀  
兩相笑楚失齊豈得庸知振奇人不假鴻溝畫大  
師鄒魯儒壯采文章伯君也奄有之三才屬逢掖  
蒼茫萬人海求對無前敵何怪詆訶多羣流被彈  
擊我慙膚受學廿載攻篆刻亦思本原求苦爲貧

病迫力愁十舍退道尙兩塵隔傾折到一人糾繩  
望三益鸞鳳不偶世干鏤善自惜終當入承明或  
者賁蒲帛煌煌第嘉頌詩書足羽翼否亦奏陵雲  
异代興嘆息千秋定文字流別重判白著錄七畧  
間惟君庶靡忒

陳仲魚孝廉索賦經函詩率成廿韻

南宋併注疏越中出最早後則蜀有之沿革例了了  
今均無見者欵式詎可曉唯建附釋音三山別離造  
黃唐跋左傳其語足參考流傳爲十行一線獨綿藐  
勝國在南雍修多元漸少遞變閩監毛每次加潦草



思道齋集卷二  
七  
年來幾同人深欲白醜好謂此已僅存究遺乃當抱  
寓公得陳髯志力兩天矯盡收十一種鷄跖食庶飽  
闕時玉蘊櫝開處籤飛漂題咏徧名流善頌子孫保  
阿誰負大力悉舉重黎棗海內家一編落葉將母掃  
惜哉西湖局雅志敗羣小苦爭自癡絕未障狂瀾倒  
眼前散雲煙隙裡馳腰裏撫函三歎息冉冉吾其老

次韻答夏孝廉詞仲

生平慕求志所得在樂饑備書免死計頗復擇因依  
去累畧近遜保名仍愧蜚事業寓青簡經綸謝黃扉  
良難週道廣祗易貴知希落落斷驅逐區區期指歸

任人混貧病審已辨癯肥之子投高詠殷勤代釋譏  
深勵垂後躅過許儷前徽羈情梗兩泛衰景露一晞  
久賤珉非玉唯虞珠尙璣不舍逝川嘆多迷岐路歛  
願箴我膏肓凱佩君弦韋

旅窗坐雨屢辱澗蘋先生手畢相問時方疊  
和頻伽外舅梅史明府見寄之作爰用其韻  
奉贈願附千秋之名繆爲一辭之贊深自哂  
也

夏寶晉

詞仲

炳燭以忘老煮字聊挾饑絕學獨有得豈肯輕附  
依東吳一碩彥實茂聲不蜚棲棲此爲旅朱門媿

柴扉誘來道方廣傷往知愈希

時山翁  
下世

秋風起天

末扁舟殊未歸脩羊入饌瘦畦菜經霜肥古約友  
朋歡晚榮兒女譏館閣化廐庫官階題旌徽俗學  
果何益德潤終不晞立言抵粟帛唾棄猶珠璣悲  
窮一何陋愚者相歎歎相從問奇字師事胡敢韋

次韻答郭頻伽

昔賢事乞食不諱驅者飢既分作孤雲遑問萬族依  
郭子倜儻才詞塲聲早蜚多遊使君門夷視纔村扉  
五餐每先饋悲患知交希奈何囊仍空難辦買山歸  
相逢古蕪城各訝容減肥識予性背俗受譽慘若譏

近惟金公子脫畧去墨黻

近園

君家有玉潤

詞仲

朝

陽髮共晞遂續河上歌筆舌翻珠璣人生貴自我獲  
落安足歆倘得目擊存斯道無從韋

邗上遇澗蘋先生并示借慈仲倡和之作用

和奉贈

郭麐

頻伽

世不生竹實坐令鳳苦飢區區弮雞翁妄意能因  
依久甘困塌翼仰天看羣蜚豈能效燕雀連翩入  
朱扉此志詎不信此願償者希平生游道廣誰爲  
白首歸顧子我舊識瘦狂已勝肥詩書供賃顧邛  
里隨褒譏同時有老彭異調諧軫微

甘亭

眷言平

思遠齋集卷之二  
九  
生交半已朝露晞始悔不相貫散落如琲璣河上  
必同病悲者多彙歎終當開門學撾折編絕韋

得子實書却寄

睽違歲再改歎洽俄如昨今晨尺素來驟使軻飢瘵  
伊舍本腐儒心跡兩落拓猥蒙尊公賞駑蹇遭良樂  
深幸翩翩子愛士所肯獲高齋屢文譙况乃費調度  
弱植多飄搖見庇抵層幙感此三年間日拙未得酢  
庭趨改期會江介連檣泊賤子迫懷歸行行遂分索  
營魂去相送直渡陽侯惡荏苒居鄉邦魚鴈愁落窶  
上念報知己何時暫忘諾所期在不朽鄭重難苟作

引領邵父謠絕業冀終託下憶疇曩意綿邈山川各  
惟願繼淵源兼以光柎鄂睠茲西南風微衷一旁礪  
立秋日集白公祠爲山尊學士作

商颺天際來乍却炎歎半園林帶祠宇遊賞足蕭散  
詞伯坐上頭談塵拂清漢披襟二三子參差霏屑亂  
適興忘歸遲新月墮遙岸鄙人病不斟逢樂發深歎  
回薄大鈞中塊軋乃無畔窮達分洵限出處理亦貫  
物變自浮雲奚取巧厯算惟惜良會難兼軫流光換

題戈小蓮紅袖添香夜讀書卷子廿六韻

我友儒之珍湛然室欲久好色向短宋避嫌今學柳

唯彼靡曼捐爰此記藉狃篋中一卷秘循環絕纖手  
時時讀半樹

齋名

金石聲貫牖夜分未肯休獨與長

檠守英名揚子宅萬古元虛友忽爲添香圖紅袖盈  
前後既非馬融侈亦異張禹觶本事洵厚誣寓言豈  
十九畫師苦結撰觀者窮誰某或乃目之笑我已色  
爲愀想當誦風人勞心生擾受彼美不可思悵望憐  
瓊玖又逢諷牢愁盛年槩無偶多女兼良媒歡愛誠  
結紐不然塊幽居畫此其何有因思人間世遽甚朝  
生慙敏給矜少壯昏眊痛衰醜拘攣割快意茫昧爭  
不朽寂寂竟寡娛悠悠遂多負便從理義韉復脫世

故柎跌宕擁異書戲弄置小婦如佩護忘憂勝服散  
益壽尙博達士賞寧惜腐儒哂更乞得少閒相從飲  
醇酒

題匪石履二齋聯吟卷用其所分明月幾時有

五韻各賦一章

莫釐蘊奇秀實產東南英闐闐耽大隱寥廓翔焦明  
著書十萬言身是解字平絕業在名山世慮那足嬰  
生平數遊處對客號謇訥雅契二三子一一無凡骨  
道心交琢磨藝事遞揚扞翹足卽千秋姓氏懸日月  
言尋松江浦諧鬯更魄胙斯賢百里內聚偶我日豈

思適齋集卷二  
二  
况復老人占旁有流光煒試問天地間良會如此幾  
伊子託心知宿昔同襟期年來類蓬轉離索動經時  
空城今坐霖愁緒繁於絲潺潺大江流何以慰相思  
昨日攬清鏡倏忽二毛有羣書漫所好腐徹誠爲負  
望君羲皇上自笑牛馬走感興更懷人長吟一迴首

題江韜菴小像

釋立神不滅說與儒門殊江子夙信有翳我今憂無  
有則輪回有化化萬古俱不亡乃善死豈藉七尺軀  
有則因果有報應逮錙銖三命任難齊永息仰天呼  
吾有取焉爾理然恐事誣江子但微笑釋豈謂是歟

將以求極樂淨土爲歸區流浪生死中可痛烏可娛  
屢述最上乘覲用導我愚竭來示小像蓮花見跣趺  
恍如得所證圓滿光明珠是時歲方晏我獨多煩紆  
忽然心感之發論忘其麓成佛計洵善奈彼斯人徒  
不若作閻羅况易願力圖天堂者忠枉地獄者奸諛  
造化雖缺陷一手旋元樞諒唾神鬼道芹美何爲乎  
在譏勢固異入主出斯奴在形勢自同縐面而華鬚  
題詩恣胸臆下筆復躊躇年來卽年去曷肯留須臾  
淡薄大可惜詰旦各饑驅

題貝簡香干墨龕圖廿韻

集古一千卷六一首拔幟倍之德父錄增華日以孳  
既博亦既精鑒別罔孱厠踔哉貝君姿髮燥手乍試  
少選得及數馱躡矚殊駛高居本澄研專室安位置  
排比漢唐宋錯間銘頌誌豈曰侈家藏實俾佐腹笥  
孰爲史所考孰則經可治味於味書餘一一嚼厥載  
鷄跖嗜靡饜胸具囊古思遐溯趙與歐風流欲遙嗣  
伊子尠蓄此昔枉步入寺稍窺開成經外者多目眙  
因念亭林老生無玩物志間關覓金石鄭重論文字  
良知用深切何幸易相值便期從悉讀到庵按題識  
下窮點畫微上究制作事遺記猶足徵斯役庶驅使

投壺夜飲圖廿四韻

小戴第四十投壺射之細古者因燕飲以講論才藝  
斯禮至今存壹笑見遺製粵有賢主人奕葉猗蘭裔  
樂賓備儀文終始唯罔替是時正當夜日盡而燭繼  
堂中兩楹閒洞徹了無翳太晚則於庭常處難拘泥  
順投人四矢左右黨更遞入乃釋一筭卒亦奇純計  
賜灌及敬養詞意殊棣棣應陋顏黃門瓚徽誇近世  
祇賞蓮花驍不知經記盪復古得自然如木循厥柢  
曲禮正篇中精神遙與契一一付樵寫畫師身所諦  
語我須題詩想像游其際往昔每共君會集說連襪

榻來多離居江山多遶遶雅歌竟靡暇日夕被掣曳  
何年謝覓食清晝戶可閉重許讀此圖或未羣書傲  
乖異窮端原孰是資澤麗宜屬吉嘉賓更訂別錄例

題陳小雲香畹樓憶語

甲申

紫姬萬事足所少獨年壽正同優曇花不許見衰醜  
昔者漆園論寓形無暫久殤彭理且齊百齡其何有  
况乎得憶語傳誦在人口詎似泥蓮記踔越自不朽  
題詩寄司馬可更酌卮酒魂今當歸來亦賞斯言否

汪紫珊太守碧梧山館圖

癸酉三月作

爾雅博物資釋桐曰榮木良得春氣多非抱秋心獨

君家綠淨園萬樹冬慘懔特選百尺陰爲敞三間屋  
主人愛坐此高柯爽心目初放露晨流黛色新如沐  
起弄碧玉影還展鄉函讀雲林况不迂清閼遜清福  
榻來栖鸞騫勢已凌風謖生矣高岡詩佳兆古人毓  
遭際欣藹萋揚厯喜協服官齋試命種何似王猷竹  
汪月樵小詩龕看菊分體廿韻

陶令遺世人好三詩酒菊風流成故事數雅若鼎足  
於今惟汪君耽吟性所夙一龕孰云小淮海懸幟獨  
愛花又類癖四時恒滿屋昨夜東籬霜佳色照人目  
命彼灌園翁翦送十百束瓶罍錯落陳雲錦遜其溥

思適齋集卷二  
是宜良讌會我有朋儕速主人雖不飲待客官釀熟  
侵晨冒雨集鼓勇去瑟縮亞枝欲妨帽列坐妙於促  
看影姿更妍流連已燒燭分曹正飛觥髣髴聞絲竹  
逸興兼華情栗里暫金谷如解千秋嘲特作高士福  
伊子齒髮秋延年方未服倦遊霧中眼鞭弭勉追逐  
當進怯拈韻和陶筆久禿祇記落英句痛飲爲君讀

採芝圖

先生無俗慮高隱簿書中偶托採芝興自然曾次同  
療飢或未足延壽當何窮安得塵勞者令之間此風  
庚午十月喜子絜子寔至卽送其回南昌作

索居門徑深蓬蒿四壁臥聽風蕭騷翩翩昆季來同  
袍俄然使我心鬱陶方期徒步邀吾曹十日且飲江  
鄉醪胡爲告去機輕刀會艱別易增煩勞噫嘻二子  
今俊髦駮衛夙昔期駒駝他時指眄騰神臯絕塵豈  
更容籠牢不佞連蹇首重搔備書負米跋窳遭坐有  
奇鬼居育膏憂讒畏譏安所逃待擠溝壑其誰號升  
沉已定良不詔合并詎得將翱翔南江北江奔怒濤  
山連常玉高復高望遠弗見心怵怵臨歧執手語囑  
畔中情淳滴難緘緙努力不朽追賢豪世間餘事俱  
鴻毛



復翁詩一首卅六韻

復翁復生書不死遠信初聞雜驚喜歸來見面爲我  
泣益信於翁是知己翁言病中前後事卅日昏昏臥  
牀第薄寒中人疑彪崇季咸奔走煩禱祀溫涼補瀉  
錯投藥坐覺增劇乏良已瀕危者再再尤甚竟比焦  
原託垂趾親戚相與興謗訕謂翁致此別有以虛空  
有物曰造物其所深忌在書史滿家每詫希世珍一  
一均堪顛跋使更蘇勿藥神助之此論紛紛罔少止  
特勞然否就我訊據床走筆付雙鯉我問斯言細刊  
度辨說蓋失其當矣死生有命語則云與書曷啻風

馬似前歲某甲委盛年一丁不識至癡怡昨歲某乙  
化奄忽終身寧離菟園裏翁獨安穩出風波巨海崩  
騰屹山峙苦翁者醫愈翁命唯翁自審徹終始况乎  
翁之不合盡爲書功臣最足恃古人地下倘有靈慧  
命攸寄宜降祉方今學子多鄙夫但向緇縑求利市  
卜兆從却僂句僭銛錐鑽破俗物李牛頭馬脯工借  
題強韻那惜識者恥翁讀未見根性命消融名利同  
渣滓須知超邁流俗外只此相歧十萬里抱殘守闕  
碩果存殆可剝九一爻擬陽無絕本三聖義莫斷書  
中真種子果爾黃鍾律乍調見天地心霍然起嗟我

思適齋集卷二  
宿昔發奢願抉眞抑僞思料理哀傷吾道多榛蕪誰  
解懇闕施覃耜遂乃憂心愠羣小幾欲見殺累切齒  
未填溝壑尙假年奚必河清壽難俟從來萬事命也  
歟庸鬼庸人等妄耳作詩贈翁翁聽取曩我稱翁作  
奇士今者弗死豈偶焉放佚羣編待統紀翁能傳書  
書傳翁千秋不朽靡涯涘復哉復哉無恙耶肯任百  
年駒隙駛

琴南大兄見寄七言一首久病未和今次韻奉

呈

閉關臥病少左顧人言耽書作計誤願長力短亦自

憐窮年不算海沙數新詩鄭重遠相聞當世君山幾  
似君直教尙白元亭草一辭覆瓿附青雲

題小維摩詩稿

從來識字憂患始何況生身作女子無兒無年那可  
堪有才有學徒爲耳著書未就豈蹉跎餘事詩篇剩  
不多鑄金尙合偏呼佛劫火誰知又值魔畢竟文章  
自有平千秋詎屑競朝榮更看一事強人意元晏先  
生正阿兄

題千墨庵重摹七姬志石刻

七姬生未見將軍破敵榮七姬死且見將軍降敵恥

思適齋集卷二  
豈感將軍德豈畏將軍威  
生值將軍不知已此時弗  
死何爲哉吁嗟乎始憂七  
姬無一死終恨七姬無一  
生死生生死兩何有至今  
但見一字一血成茲銘

思適齋集卷二終

思適齋集卷三

元和顧千里澗蘋

詩

蔣伯生入關圖

舊雨顏仍接前塵首屢回  
深嗟荷戈去劇喜入關來  
未礙雄談在何能壯志摧  
歸耕宜輟計世事正需才  
題天涯芳艸圖送行

三月蕪城下煙花事半過  
春隨殘照暮愁向亂山多  
况復天涯別其如芳草何  
來朝猶碧色莫惜幾婆娑  
爲王簞山觀察題畫

陽春昔有脚今又駐南天穀膏去隨車雨桑梯夙駕  
田兒迎龍節下人避薦衣前定慰萌謠意重來早著  
鞭

夏紫仲竹巷舊居圖

燕越依人日荆吳作客秋歌高方賃廡賦好但登樓  
竹巷名猶古珠湖是最幽先人廡宛在君子澤長留  
復始期堪必爲圖意定酬他年符息壤永代媿文游

題南陽諸葛廡圖

季漢真名士胡然在艸萊身方儕燕雀世若任雲雷  
太息桓靈恨長吟管樂才景升庸不識孟德遠無猜

聞達心何繫驅馳志豈灰如龍終一臥牧府阿誰開

士禮居祭書分賦

得書字

歸家倏忽歲將除折簡頻邀共祭書君作主人真不  
忝我稱同志幸非虛儀文底用矜能創故事還應永  
率初更願齊刊刊舍奠每陪酌酒與羞疏

張古餘先生賦詩見寄依體敬酬時道光丁亥

六月之望

違離廿載忍軻飢蓬轉如流尙抱遺公獨能知希可  
感世誰相和寡堪悲罷窺東閣原猶早容老西河但  
未遲咫尺達函偏不易記教前困幾端著

累人期不愧前賢齒髮頻移幸益堅大雅彛曾輕貸  
粟微心今豈重求田留名好作千秋託食力終遭八  
口牽身任經營兼寫定抵游五岳願他年

澗蘋先生寄所校刻諸古籍并文一首賦謝

張敦仁 古餘

文章體格自先民遂絕元明宋代人考證萬端歸  
至是辭華一字必精純樓題與古曾求記禮校全  
經讀未親何日金陵重聚首餘光時得問迷津  
善本書多借校刊殷勤寄我當加餐滌洄帶水通  
音易貧病衰年會面難獨學遠追三惠業精心近

比二王看

懷祖先生父子

孤高自有千秋計一笑何妨骨

相寒

成句

虎邱倉頡廟

倉聖新宮儼在茲好探文字肇開時功過沮誦難雙

廟禮並彭衙可別祠

彭衙即漢左馮翊衙皇覽云有冢延熹六年劉君立廟在今白

水縣史官村

四目神靈餘想象六書湮替幾維持問疑自

歎愚才竭肅拜筵前動遠思

辛未予校刊許氏說文頗多疑義久未勒成故

引叔重自敘語

金陵懷古

六朝陳迹久茫茫開闢留京又夕陽南北幾經勞戰

思適齋集卷三  
三  
伐江山原不係興亡繁華誰記臨春樂憑弔都迷石  
子岡剩有秦淮東去水自隨天墜下歸塘

方葆巖制軍青溪放棹圖

江山虎踞接龍眠當代英靈仰大賢家世傳經從束  
髮勲名建節未華顛參籌舊勒窮邊石乞養新辭尺  
五天昨日偶然傳放棹雅懷無異秀才年

快雪時晴消寒雅集分得九青韻卽呈月樵先

生正句

笑我凋年一客星衝寒猶自愛林垞久知去室虛生  
白可待狂眸喜故青恰有如湯餐芍藥那無似玉唱

瓏玲詩翁苦說家禽癖好映簷光續曠經

錢唐屠孟昭太守同客邗江索贈

一榻頻煩兩拜恩頭銜漫士署來新名從逃後仍交  
口書是焚餘白等身不詡事功禪色相未妨談笑病  
精神笑蒙含筆才先盡難寫嶽嵒寄厯落人

小除日從故紙中得某人竹影詩七律一首次

韻戲作

離離春粉帶奇芬影落空庭尙出羣標格本無身掃  
地性情唯有節凌雲可憐池水偏容我何物甘蕉也  
蔽君但得閑人能獨賞天涯猶剩月三分

爲瞿木夫題水闌訪刻圖冊

摩挲三百舊虹梁宋刻元題歲月長圖志已嗟多闕  
失湮蕪仍慮易銷忘滿城恣訪期都遍廿種兼收詫  
獨詳况有同舟仙侶在倚舷相對讀琅琅

桃花庵觀荷分韻得五微

新荷昨夜綻紅衣霽雨朝來綠滿磯共許刺船尋佛  
子旋教解佩對江妃禪移色去詩塵淡人在香中酒  
力微不是城頭初月墮等閒談弄便忘歸

題江秬香新甫得碑圖次原韻

秦始遺碑天下少羨君獨得任城銘翁黃謂覃溪小松創

見心先折歐趙重生眼亦驚著錄平津能葉掃金石萃編

載此孫淵如會校而正之

披圖新甫但雲橫墨林一把靈光臂剩

我橫增暴富情

予所收任城孫夫人碑闕額許分全通故云

有感

壬戌七月西湖作

無復移山一厝平阿膠原不俟河清飛時方慮輸鳶  
敗刻處先期宋楮成醇酒易爲千日醉豫章難變七  
年生枚臯奏賦纔聞詔多謝張衡苦鍊京

重有感

壬戌九月西湖作

南華發塚枉生哈莫挽頽波是殉財曲禮頓教王式  
去公羊頻告鄭詹來但存博士同門蔽况有高人割

席猜獨恨漆書私改日豎儒重燄祖龍灰

紉之以釋六舟所寄唐盧元輔天竺寺詩韻屬

次時枕上有感因走筆率成一首

當年不爲着袈裟曾遇靈山近釋迦寺訪遊詩忘坐  
月崖逢題字趁看花龍蟠獨往仍爲客虎阜頻來又  
返家何似青林分石榻可容老病臥雲霞

送瞿鏡濤

古泉館主出山初強仕春秋富有餘十五年期應再  
展一官一集待懸車

廣文三絕畫書詩熟史明經君過之莫恨折腰爲吏

去看人向吏折腰時

笑我贅牙漫浪身倘推星命轉流頻相逢未卜當何  
地只恐猪肝累故人

孫武私印爲淵如觀察作

己未

宮中教戰事依然此印沈埋定幾年天與文孫重管

領猩紅鈐上十三篇

時方刊宋本孫子

爲有英威抵虎符土花蝕處肯模糊將軍破楚功多  
日別鑄黃金斗大無

諦玩橫增弔古情樂安祖德最知兵短衣疋馬君何  
事訪遍巫門大塚平

冢載越絕書



思通齋集卷三  
六  
題圓圓小像

破軍星降正縱橫誰何中原萬里城獨有蛾眉蒙賜  
遣居然滅闖一奇兵  
所嗟夫壻擅侯王天網他年稔惡亡紅粉成灰先老  
漚陳娘終勝杜秋娘

王蓬心山水小幀爲楊補凡作

尺幅能留太守真烹茶細讀那嫌頻四王宗派今誰  
在欲問煙雲老斲輪

侯青甫畫竹及秋海棠各題二十八字

無端妙手掃檀欒黛色參差玉幾竿恍似平山堂下

見有人翠袖倚天寒

浥露含風無限情淺紅深暈太盈盈秋花自較春風  
艷不爲相思淚染成

題品梅圖

林閒莫讀文貞賦樹底休吟處士詩容我簪花參一  
語生平清到畏人知

走札索魚鬆於月樵三兄承卽見惠率成廿八

字爲謝

西湖風味妙難名白粥徐嘗養病醒較似君卿脣舌  
好不曾輕博五侯鯖

題吳餘山小梅花菴圖

丙子立春作

結菴勝地占清幽  
樹石池亭幾閱秋  
添得畫師詞客  
住岳坊曹圃更風流  
探春秉燭共天涯  
董相祠邊興未賒  
何似魏塘還鄧尉  
尉與君各看故園花

題秦澹生太史棲碧詞

舊譜新詞寫碧羅  
年年傳遍雪兒歌  
阿誰取入叢談  
續山抹微雲本事多  
陽春屬和數心知  
黃九偏難得並時  
苦索賞音到狂  
客文通善恨

謂子屏長康痴

題吳靜軒奚囊得句照

錦囊投句李昌谷  
重嘔心疑此後身  
我愛璜川好詩  
派拜袁揖趙又何人

陳小雲蕪城餞別圖

重到蕪城思曷任  
傭書歲月累侵尋  
送人隨例而今  
可我本全無作郡心

松蔭讀書圖為洪銘之題

窗外松枯幾載餘  
蔭留猶得鎮安居  
不如人最無過  
我馬背船脣讀父書

題張樂讌賓圖所畫為孫淵翁在畢秋帆幕中

思適齋集卷三  
八  
事時淵翁沒已九年矣

關中白下兩前塵  
圖畫風流見倍新  
今日登樓唯一  
哭了無人後更依人

毛叔美

慶善

以紅豆書樓圖屬篆冊首復系絕

句博粲

戊子立春日

忘菴沒骨一枝真  
付與閨中什襲珍  
畫出高樓同讀  
畫傲他惆悵卷還人

題袁君壽階味書圖小像

自經死矣山樞痛  
掃地曾無長物餘  
不及生前圖像  
好手中猶保一編書

贈木夫仙臺通寶錢一枚并綴以詩

杖頭數得渾奇事  
白媿無才與釋文  
送爾古泉山館

去附庸題跋張

去聲

吾軍

題敦翁梵寄圖

生世儒家自宿因  
畫圖偶寄總非真  
儘教淡薄偏能  
住雪北香南只此人

甲乙丹黃興不孤  
博通三藏會殊塗  
傍人錯認牟尼  
串那識衣邊記事珠

輓趙大令北嵐

方期石墨共搜奇  
豈謂微疴竟不支  
從此棲霞秋草

路更誰來拓六朝碑

葛蓮青小照

幾載東西踏軟紅左神奇秀在胸中風流無復漁洋  
老誰識能詩葛一龍

竭來偶爾寄閒雲卜肆垂簾日未曛我亦平山堂下  
住翛然獨立總輸君

思適齋集卷三終



